

NINGESABI

1 Chubekani nekuma umzuzwana sisakhotsamisa tinhloko tetfu embikweNkhosi futsi sinikele umkhuleko. Sisakhotsamise tinhloko tetfu, angati kutsi ingabe bangakhi ekhatsi lapha labangatsandza kukhunjulwa emkhulekwemi embikwaNkulunkulu, phakamisa sandla sakho nje, nesicelo sakho enhlitiyweni yakho. Asikhuleke.

2 Babe loNgcwele naloneMusa, Nkulunkulu, sita ngekutitfoba eBukhoneni baKho nekubonga etinhlitiyweni tetfu, ngenza yekutsi Wasitsandza kakhulu, waze Wanikela ngeNdvodzana yaKho letelwe yodvwa, kutsi ngulowo nalowo lokholwako angabhubhi, kodvwa abe nekuPhila lokuPhakadze.

3 O Nkulunkulu, kakhona labo labemukele lesibusiso lesi lesikhulu sesetsembiso, sibonga kakhulu kanjani pho, Nkhosi, netinhlitiyo tetfu tivutsela labanye kutsi bemukele lenjabulo lengakhulumeki nalegcwale inkhatimulo leliniketwe sive lesibantu.

4 Kunalabo labagulako nalabadzingile kusihlwa, Babe, labalele lapha bahlaselekile, futsi bashayiwe, futsi bashayekile, futsi, Nkulunkulu, ngumhlabo logulako, kodvwa Wasilungisela indlela, Nkhosi, ngoba kubhalawi, "Yalinyatwa ngenza yetiphambeko tetfu, nangemivimba yaYo siphilisiwe tsine."

5 Manje, Babe, sitinceku taKhe nje lapha, sitama kuniketa bantfu Livi laKho, futsi kute babone, futsi bacondze, futsi siyati kutsi konkhe kungenteka kulabo labakholwako. Futsi kwente kube ngiko sibili ebandleni, kusihlwa, kutsi akunawubakhona namunye lobutsakatsaka emkhatsini wetfu uma inkonzo seyiphelile, kungabikho nasinye soni, bonkhe basindziswe, ngekhatsi nangephandle, kwangatsi lemibhedze lemincane ingete yabanalutfo, titulo temasondvo tingabinalutfo, wonkhe umuntfu lonenkhatsato yenhlitiyo, umdlavuza, bafa.

6 Kwangatsi kungabanesikhatsi sejubhili etikwalelidolobha nasemacentselweni kulesigodzi, cala imvuselelo leyifashini lendzala letotsanyela phansi nasetulu kulolugu, Nkhosi, ngenza yeBukhona baKho, kusihlwa. Yakhela tinhlitiyo tetfu nekukholwa kwetfu kuWe, ngoba sikucela, eGameni laJesu, nangenza yaKhe. Amen.

7 Ningahlala phansi. Loku ngikutsatsa ngekutsi kuyinhlanhla lenkhulu kuba lapha kulehhola lenkhulu etinkhundleni tembukiso, kusihlwa, futsi ngidzabukile kutsi itolo ebusuku sidzingeke kanjani kutsi sijake futsi siphutfume sendlule ngco ngenza yekucwayiswa endzaweni yekugcina tikhali, futsi asikatfoli ngisho nesisekelo.

⁸ Niyasati sitsa setfu lesikhulu, develi, futsi uma angakhoni kusibamba ngendlela yinye, utokutama ngaleny. Uma singenta bonkhe bantfu babenhlitiyonye, khona-ke sewukwentile, angeke akukhatsate loko, ngako-ke utokwenta lenye intfo letsite kuphatamisa umhlangano ngaleny indlela, kuze singakhoni kuthula ngalokuphelele, futsi silalele, futsi sibukele, futsi sikholve, bese-ke sibona imisebenti yeNkhosi.

⁹ Ngibonga kakhulu ngalehhola lenkhulu, kusihlwa. Ngiyacolisa kubona emakhulu ebantfu emile, kodvwa tsine sinjalo, nje, nginesiciniseko kutsi inhlangano yenta konkhe labatiko kutsi kwentiwa kanjani kwenta indzawo yebantfu kutsi—kutsi bahlale phansi.

¹⁰ Futsi manje, ngikholwa kutsi uma loku kuchubeka kanjena, kufanele kutsi kutanywe futsi. Anicabangi kanjalo, bafo, kukwetama futsi? Ngani, mhlawumbe singakwenta, singatfola lithende futsi silibeke ngephandle lapha, ndzawanatsite, lelitohhalisa emashumi lamabili, bantfu labatinkhulungwane lettingemashumi lamatsatfu, futsi nje siliyekele lihlale emaviki lamatsatfu noma lamane, futsi impela sitfole kwatana futsi sati lomunye nalomunye, kuze loko... Futsi uma iNkhosi itsandza, nguloko lesikudzingako, lesitokwenta, naningemukela, futsi ngiyakutfokotela loko, futsi uma leyo kuba yintsandvo yeNkhosi.

¹¹ Ngi—ngi hlala njalo ngifuna kulandzela kuhola kwaKhe, lapho nje Aya khona, ahola, bese-ke siyati kutsi sikahle. Ngiyanitjela kutsi kungani: Uma udibana nenkinga ndzawanatsite, bese-ke uma ungakaciniseki ngekuholwa kwakho, khona-ke Sathane angatsi, “Yebo-ke, niyabona, naku ke.”

¹² Kodvwa uma wati kutsi uyaholwa, ungahlangana naye ubuye ngco futsi, bese utsi, “Ngita ngeliGama leNkhosi,” uyabona, “ngako vele nje udedele emuva! Nguloko kuphela.” Niyabona na? Futsi utofanele akwente uma—uma iNkhosi ikutfumile. Lengephandle emasimini akulamanye emave, uma ngiya ngalapho la sinetinyanga batsakatsi letinengi kakhulu netintfo lesilwisana ngato, kutsi uma wati kutsi uholelekile kutsi ukwente, Moya loyiNgcwele ukukhetsile kutsi ukwente, yebo-ke, lokukuphikisako akusilutto ke, wena hlala emhlabatsini ngco, hlala khona lapho futsi uchubeke kute kufike kuncoba.

¹³ Futsi ngako, kusihlwa, ngiyetsema kutsi ngingeke ngingihlalise sikhatsi lesidze kakhulu, ngi...ekufundvweni lokuncane kwemBhalo, bese-ke ngi... Sitawuba nesikhatsi lesibi kabi sekwendlulisa lilayini lalabakhulekelwako, ngiyabona, ngalemnyango yomibili ivaliwe kukhuphula labo. Bonkhe ionalamakhadi ekukhulekelwa, wabambeni. Ngiyanitjela ngaphansi kwaletimo leti, ngaletinye tikhatsi...

¹⁴ Ngita ngephandle nalomfo losemusha ungitjelile, watsi, “Mnaketfu Branham, bagcwele nje ekhatsi lapha ngalokufanako nje njengoba bebanjalo kulelenye indzawo.” Watsi, “Asinayo indzawo.”

¹⁵ Ngatsi, “Yebo-ke, indlela kuphela lengingayenta...” Impela, ngilapha ngenhloso yinye, ngitele inkhatimulo yaNkulunkulu, loko kwekucala; nekusindziswa kwemiphefumulo, kwesibili; nekutama kubona labagulako baphiliswa, kwesitsatfu. Ngako loko yi... Futsi angiketi kutotsatsa tigulane tadolokotela, cha, ngitela kutokhulekela tigulane tadolokotela, emalunga emelusi, bangani bami, niyabona, futsi nje ngibakhulekele.

¹⁶ Futsi manje, ngicabange kutsi mhlawumbe sitoba lapha, ngeliSontfo, yinkonzo yantsambama, ngako-ke kutawufufumala nebantfu ngeke bakhatsateke, mhlawumbe, beme emuva ngephandle. Kodvwa uma kusihlwa nakusasa ebusuku uma singaletsa loko, ngemusa waNkulunkulu ngeLivi laNkulunkulu, kucondza Bukhona baNkulunkulu, niyabona, khona-ke uma sicala lilayini labakhulekelwako mbamba, sishayise lilayini labalimele, loko *noma-ngabe-kuyini* kutsi bakhulekelwe, ngiyakholwa ke kutsi sitotfola imiphumela. Niyabona na?

¹⁷ Ngalamanye emagama, kwakha, njengoba umfundisi anikete sihloko sakhe etikwesifundvo lesitsite, bese-ke uyibeka ngephandle, imphahla yakhe, ayishayele phansi; umbati afaka libhodi lakhe, bese-ke uyalibetsela ngesipikili. Futsi nguloko lesifuna kutama kukwenta, ngoba asinasizatfu sekuba lapha kube bekungesiko kutama kwenta lokutsite kusita bantfu, kungako silapha.

¹⁸ Ngi...Uma—uma kuphiliswa...Uma, lensizwa lelele lapha kulohluhlaka, leso lesiligu, s'thandwa lesincane sihleti lapho esitulweni semasondvo, intfwanyana lencane, lomake tatane lolele lapha eluhlakeni, loyadzadze lohleti lapho esitulweni, lokutsite, lenye indvodza ngephandle lapho ibulawa yinkhatsato yehnlitiyo, lomunye make udliwe ngumdlavuza, ngani, uma bengingenta nomayini kubasita, Mine, bengingeke yini ngibe sibonelo lesibi semfundisi uma bengingakhona kwenta lokutsite kepha—kepha ngingakwenti? Anginandzawo emuva lapha, bangani, kube bengingaba ngaleyondlela. Kube benginga... Ngisho loku, kuvakala kulite, kodvwa uma bengingatsatsa i—ikota futsi ngiyifuce ngemphumulo yami yendlule kulelidolobha kuphilisa umuntfu lotsite, Beningakwenta, niyabona, bengingakwenta. Ngiyati kutsi kusho kutsini kugula, bengigula cobo lwami.

¹⁹ Futsi-ke lapho ngitfole khona la dokotela atsi ngingeke ngisindze futsi ngeke ngelulame futsi ngiphile, bese-ke ngitfolo *intfo letsite* lengiyiphilako, ngi—ngifuna kutjela wonkhe

lomunye umuntfu ngako, niyabona. Futsi manje, bese kufika kulandzela kuhola kwaMoya loyiNgcwele ngendlela Lebekato, kusho ngayo, lapho nje besingatfola khona imiphumela lencono kakhulu kulesikhatsi lesi lesincane, lesifishane lesinaso.

²⁰ Manje, impela kutsatsa sikhatsi lesidze kuhlala emhlanganweni kunaloko lesikwentako lapha, ngoba tikhatsi letinengi bantfu bajaka kungena ngekhatsi, futsi abacondzi, bese-ke bayaphuma futsi—futsi kuva lokuncane kwekucala nje lokuphumile endleleni labanako, akunandzaba kutsi utama kangakanani kutjela bantfu, ba—basasolo betsembele emizwени yabo, banjalo, ngulomunye nje wemizwa yabo labawusebentisako, “Uma ngitiva ngincono, ngiyakukholwa.” Niyabona na? Kodvwa loko akukaphatselani ngalutfo nako. Khona-ke uma singaba lapho sikhatsi lesidze ngalokwenele emhlanganweni nebantfu kubavumela babone kutsi kuyini lokuphatsekako kwako, nekutsi ungahlala kanjani naNkulunkulu, ubese-ke utfola imiphumela lemihle, kungesikhatsi wenta loko.

²¹ Ngako manje, ngiyetsema kutsi nitohlala kadze nami, futsi ngati kutsi ngisekamelweni lami ngikhuleka futsi ngifuna Nkulunkulu lonkhe li-awa lengingakhona ngalo, kutama kwenta loko lengingakwentedu uMbuso waNkulunkulu ngentele nani, ngiseselapha nani.

²² Futsi manje, manje, kusasa ebusuku, khumbulani bese-ke, manje, uma—uma emakhadi enu ekukhulekelwa angabitwa, wabambeni, sibophelelekile kukhulekelwa bantfu labagulako lesibanijeta emakhadi ekukhulekelwa, ngako si—sibophelelekile ngekwesimilo kwenta loko, futsi sitokwenta ngemusa waNkulunkulu, futsi wonkhe umuntfu uma singakhona kukwenta, niyabona, leyo yi—yinjongo.

²³ Manje, kube besitoba lapha lambalwa, mhlawumbe emaviki lamabili noma lamatsatfu, yebo-ke, besingacala nje kutfola *labangaka nalabangaka*, ekugcineni besingagubha sendlule kuko ngco, kodywa uma—uma... Sitotama kunganiketi emakhadi ekukhulekelwa lamanengi kakhulu, kodvwa nje labanengi ngangoba singakhona, sicabanga kutsi sinesikhatsi lesenele kutsi sibatsatse, sitsatse labanengi ngebusuku ngangoba singakhona.

²⁴ Manje, bengitosho lokutsite itolo ebusuku, loku kuvakala kungakejwayeleki kulelinye lidolobha, Ngifake emasudu ami emshinini wekuwasho, kutsi a-ayinwe, futsi sengihlale ngaphandle kweliputumende cishe iminyaka lelishumi nesihlanu manje, emasudu ayashwaphana, futsi ngifake emasudu ami lamabili kutsi a-ayinwe. Futsi—futsi uma labodzadze labancane lababhadalela lowomsebenti wekuayina balapha, ngiyaniibonga, bodzadzewetfu.

²⁵ Ngingenile, bebangangivumeli ngikubhadalele, batsi bodzadze lababili bebalapho bakubhadalele; nalodzadze watsi befiike bashikisha isudu yami. Manje, loko kumnandzi sibili, ngi—ngiyakutfokotela loko, loko kuhle sibili. Kodvwa kusobala, yabo—yabo...loko bekutimpahla nje tesudu, kodvwa ngiyetsema kutsi uma intfo letsite bewuyifuna, Nkulunkulu utokuhloniphya kukholwa kwakho, uyabona, nge—ngekwenta kanjalo, uyabona, kodvwa bekuyisudu nje. Ngako, ngyakutfokotela kukholwa kwakho—kwakho nenkholelo lengitokutjela yona lokungenani, nginitjela liciniso kutsi ngetsembeke kini, futsi ngiyaniibonga ngemusa lomkhulu.

Ngitsite kulodzadze, “Ake ngibanike imali.”

Batsi, “Cha,” batsi, “cha,” watsi, “be—bebangeke bakumele loko.”

Ngako uma ulapha, “Ngiyabonga.” Bekuyi-Star Cleaner entasi e—e—edolobheni lapho sisandza kubuya khona nje.

²⁶ Manje, ngi—ngicabange ngekutsi, kusihlwa, sifundvo semhlangano webufakazi lovela eBhayibhelini, futsi ngifuna kufundza sihloko kuMatewu loNgcwele sahluko se 14, livesi lema 27.

Futsi *masinyane Jesu wakhuluma nabo, watsi, Manini sibindzi; ngiMi; ningesabi.*

²⁷ Manje, ngifuna kutsatsa sifundvo salomhlangano webufakazi wekutsi *Ningesabi*.

²⁸ Kunetincenyе letimbili letilawula sonkhe sive lesibantfu emhlabeni, lesinye sato kwesaba, lesinye kukholwa. Manje, kusekhatsi kwekutsi kwesaba noma kukholwa kulawula sonkhe sive, lonkhe lihlelo, nawo wonkhe umuntfu ngamunye, unjalo, kusekhatsi kwekutsi kwesaba noma kukholwa lokukulawulako.

²⁹ Manje, kufanele kutsi bekukutsi akube kushona kwelilanga, lilanga lase liyoshona, nesikebhe lesincane sase sicwile elusentseni ngoba bafundzi bese bagibebe kuso. Nalenkhulu, indvodza lenemandla, lesikholwa kutsi inguSimoni, umdwebi, ati kahle kamhlophe tikebhe, nelichibi kwewela, umsebenti wakhe wawukudweba, futsi manje, lapho acala kutsatsa yakhe lemikhulu, imikhono lenemandla, futsi abuyela emuva futsi afucela lesikebhe lesincane sikhwesha elusentseni, wagibela, wase uhlala phansi eceleni kwemnakabo, Andreya, wase utsatsa tigwedlo takhe.

³⁰ Ngaleto tinsuku letikebhe bekusemkhatsini wekutsi tichutjwa nge—ngekugwedlwa, noma kuphephetfwa maseyili; futsi ngikholwa kutsi ngaletinye tikhatsi kugwedla, uma bebanemoya lonemandla, bewungagijimisa liseyili futsi.

³¹ Futsi ku—kufanele kutsi bekukadze kukhona cishe sicuku lesitsi asibe njengalesi, futsi elusentseni sivunguta, o, ngicondez kuminyetelana kanjena, kodvwa mhlawumbe tikhatsi

letinengi loku lokunengi. Ngicabanga kutsi kwakukhona cishe tinkhulungwane letisihlanu, futsi bebeme elusentseni bavalelisa, bebabalelisa letinceku leti taKhristu, kutsi tihambe kahle.

³² Manje, ngiyakholwa uma senta lesimo lesi sendzaba, kute nitobona kutsi angiphumi emBhalweni. ImiBhalo nguloko lesikholelwa kiyo, futsi uma Nkulunkulu ente setsembiso, khona-ke Nkulunkulu ufanele ahiale nesetsembiso saKhe; Angeke asishiye setsembiso futsi ahiale anguNkulunkulu.

³³ Mhlawumbe bagwedla emayadi lambalwa lalikhulu, futsi bebake bashaye kanye noma kibili ngalesigwedlo lesinetibambo letimbili. Futsi njengoba bebfanele bente ngalesosikhatsi, luhlobo lwekusebentisana, badvonsa lomkhumbi lomncane e... kuntjweza, bajuba lamanti eLwandle lwaseGalile loluthulile, njengoba kuthula kwakukulolwandle ekushoneni kwelilanga.

³⁴ Futsi elusentseni bantfu bebajikitisa tandla, babacela kutsi baphindze babuye futsi, babavakashele, futsi lapho wekugcina afiphala, kuvalisa kwekugcina, labafundzi bafanele kutsi bagwedla kamatima impela ngalesosikhatsi, bati kutsi impela bebane—nemzabalazo wekuwela lololwandle busuku bonkhe, kutsi babe ngale kulolunye luhlangotsi.

³⁵ Emvakwekuba cishe, sekutsi akube mnyama nje kuze bangabe basababona bantfu, kufanele kutsi kwakunguJohane lomncane lowayekela kugwedla, futsi, mhawumbe, angakakwejwayeli kugwedla njengawo onkhe lalamanyemati losi lase acocodzele bekanjalo, wema, waphulula tinwele takhe tabuyela emuva ebusweni bakhe, futsi—futsi watsi kuphumula kancane, sikhatsi lesincane sekuphefumula, kutsi nje kuphumula ekugwedleni kamatima kakhulu, betama kuwela kakhulu ngangoba bangakhona ngaphambi kwekutsi kubemnyama.

³⁶ Futsi ngiyacabanga bacala umhlangano webufakazi, naJohane lomncane ufanele kutsi washo intfo lenjengalena: "Bazalwane bami, emvakwanamuhla, angikholwa kutsi kungaba khona noma ngubani wetfu longake acabange kutsi silandzela umkhohlisi. Ngiyakholwa, ngendlela yami yekucabanga, Utifakazele Yena lucobo, namuhla, kuba nguloko impela lebesiMlindzele kutsi abe ngiko.

³⁷ "Ake nisho, nicaphelile bazalwane, namuhla, ngesikhatsi lesosicuku sebantfu labalambile lebesiminyetelene ngakuYe kutova Livi laNkulunkulu...? Nekubona kutsi bafucene kanjani, futsi bafuca kutsi batungelete, nalabanye babo bebangakadli lusuku lonkhe, nalabo bomake kutsi bebabukeka baphaphatseke kanjani netinswane tabo letincane, futsi bamunyisa, nakanjalonjalo, nalabagulako bafuca lapho!

³⁸ "Kodvwa ngesikhatsi Acela letotinhlanti, futsi ngabona lowomfana lomncane, futsi waletsa leyo lencane, imicatsane lemincane lesihlanu, noma, emacatsa lamancane enhlanti

lamabili etulu lapho, futsi Wabahlalisa bonkhe phansi ngeticumbi letingemashumi lasihlanu egcumeni lelinetjani, nami, cobolwami, ngitibuta kutsi Bekatokwentani, ngesikhatsi Anelidina linye nje lelincane lomunye umfana lomncane, mhlawumbe, abhacile angakayi esikolweni, futsi weva lesicuku, futsi wenyukela egcumeni kubona lokwakwenteka, futsi kwakukhanga kakhulu wavele wakhohlwa ngelidina lakhe, bekafuna kubona kutsi leSikhulumi lesikhulu sasitsini, abukisise kutsi Bekentani.

³⁹ “Futsi ngesikhatsi ngiMcaphela atsatsa lesosinkhwa, letotincketu letincane temicatsane, atiphakamisa futsi watibusisa, ngesikhatsi ngiMbona ahlephula lesosinkhwa, futsi asibeka etandleni tetfu tsine bazalwane, futsi afinyelele emuva kulowomcatsane lofanako, futsi atfole lolunye lucetu lwemcatsane, futsi ngesikhatsi Afinyelela emuva futsi, kwasekukhona lolunye lucetu lwemcatsane losewuvele lukhulile, futsi lwabhakwa, futsi lwanandziswa, futsi selulungele kudliwa, niyati kutsini, bazalwane?” Angahle kube washo intfo lenjengalena: “Kungikhumbuta ngetindzaba teliBhayibheli lengangivamise kuva make wami angicocela ngato.

⁴⁰ “Ngesikhatsi ngisengumfanyana, umfana loliJuda, ngiyamkhumbula wami lomuhle, make lomncane nekutsi bekavamise kanjani kungitjela, ‘S’tandwa, ngesikhatsi bantfu bakitsi bakhuphuka baphuma eGibhithe, sake saba tigcila ngalesinye sikhatsi, futsi ngesikhatsi sinemprofethi lomkhulu lovukile emkhatsini wetfu, Mosi, loyo Nkulunkulu lamtfumela kitsi kutsi asisite sikhululeke etinhluphekweni tetfu tebugcila, naMosi, kusobala, bekangeke asente sinkhwa, kodvwa ngesikhatsi sinebantfu labatigidzi letimbili nehhafu ngephandle ehlane, lapho kwakungekho kolo khona, noma lutfo, kwenta sinkhwa ngaye, Jehova wasinisela sinkhwa sehla sivela emazulwini.”

⁴¹ “Futsi bengivamise kutibuta, bengitsi, ‘Make, ngabe Jehova unesicuku lesikhulu setiNgelosi etulu lapho, nalamanengi kakhulu emahhavu Labhaka sinkhwa saKhe ngawo? Wasitfolaphi lesinkhwa lesi, Make? Noma besingabuka etulu etibhakabhakeni futsi sibone imililo levela ehhavini laKhe busuku ngabunye ngesikhatsi asibhaka na?’

⁴² “Make mhlawumbe bekatosho intfo lenjengalena: ‘Cha, Ndvodzana, usemncane kakhulu kutsi ucondze, Jehova akadzingi kutsi abenemahhavu, Jehova unguMdali, Uyasidala nje sinkhwa, futsi siwela phansi emhlabatsini.’”

⁴³ Johane lomncane, ngesikhatsi eme esikebheni afakaza kubazalwane, avuma kukholwa kwakhe lokuphakeme kuJesu, watsi, “Ufanele kutsi bekanekuchumana lokutsite naJehova, ngoba Wadala sinkhwa njengoba kwenta Jehova. Ngako

kimi UnguMesiya ngekweliciniso, ngoba UyiNdvodzana yaNkulunkulu, A—Angakhona kudala, futsi ente sinkhwa, futsi—futsi ente nje njengoba kwenta Jehova. Ngako loko kukucatululile kimi ngesikhatsi ngiMbona ahlephula lesosinkhwa naletotinhlanti, futsi hhayi inhhlanti leluhlata nje kuphela, kodvwa kwakuyinhlanti lephekiwe, ilungele kudliwa.”

⁴⁴ Ngitotsanza kubuta tetsameli tami letilalele kusihlwa: “Hloboluni lwe-athomu Lalukhulula ngalesosikhatsi, ngesikhatsi Sekapheke inhhlanti ne—nesinkhwa lesiphekiwe, futsi watsatsa imicatsane lesihlanu netinhlanti letincane letimbili, futsi wondla bantfu labatinkhulungwane letisihlanu, futsi wabutsa emabhasikidi agewala, lokusele na?” Wentani na? Betingatsini isayensi ngaloko namuhla na? Nhloboni ye-athomu, noma imolekhuli, noma ngabe bafuna kukubita ngani, lolwakhululwa ngalesosikhatsi na?

⁴⁵ Kodvwa Wakwenta, naJohane lomcane wagculiseka kutsi tindzaba teliBhayibheli make lamtjela tono ngaJehova, lowoJehova lofanako wabonakaliswa kuMuntfu, lobitwa ngeNkhosi Jesu Khristu, ngoba akekho lomunye lobekangakwenta, BekanguMdali.

⁴⁶ Yebo-ke, Simoni, uyati kutsi unjani, uhlala njalo alungele kufakaza. Futsi loko kufana nanoma ngumuphi lomunye umKhristu lojwayelekile lomati sibili Nkulunkulu, lowati iNkhosi Jesu, sewulungele kuniketa bufakazi bakhe, ngalokukhulu kushesha. Futsi njengoba sikhulume lokutsite ngaye itolo ebusuku, ngingahle ngiphindze bufakazi bakhe.

⁴⁷ Watsi, “Ngani, bazalwane, ngesikhatsi ngivamise kudweba ngenethi kulowandle lapha nababe wami, eminyakeni leyendlula...Futsi ngiyati nonkhe benimati babe wami lotsandzekako lomdzala, longumFarisi, kutsi bekayindvodza lenkhulu kanjani yelibandla futsi bekakholelw kuNkulunkulu. Sonkhe sikhatsi ekuseni ngaphambi kwekutsi siyodweba, besetsembele kuko kutsi sitiphilise, ngako bekangatsandza ngiguce phansi naye futsi ngikhuleke ngephandle lapha elusentseni ngentele tinhlanti tetfu ngalolosuku, futsi Nkulunkulu akazange asentele phansi.

⁴⁸ “Ngiyakhumbula ngesikhatsi tinwele takhe seticala kubamphunga, futsi ngati kutsi masinyane bengitodzingeka ngiqlikaniswe nababe wami lomdzala, ngalelinye lilanga ngiyakhumbula wangitsatsa, wangihlalisa phansi e—entsanjeni yesikebhe, watsi, ‘Simoni, mfana wami, Ngifuna wena ukhumbule loku: Wonkhe Israyeli ubuke kubuya kwaMesiya, futsi njengoba sikhatsi sisondzela, umuntfu ngamunye bekahlala njalo acabanga kutsi bekatophila kutsi abone lusuku Lebekatofika ngalo, futsi ngacabanga lokufanako, kodvwa sengiyaguga manje, futsi ngicabanga kutsi angeke ngikhone

kulubona. Kodvwa Simoni, njengelikhholwa leliBhayibheli, njengelikhholwa kuJehova, ngifuna kukuyala, ndvodzana yami.””

⁴⁹ Leyo yintfo lenhle kubabe kutsi ayente, noma make. Angati noma, namuhla, kutsi siyasifaka yini sikhatsi lesinengi ekufundziseni bantfwana betfu etintfweni teNkhosi, kunaloko lesikwentako ngetimoto temjako naletinye tintfo, besingeke sibe nebuhsongandlebe bensha lobunengi kangaka, liciniso lelo.

⁵⁰ Susanna Wesley bekangumake webantfwana labalishumi nesikhombisa, bekadze angenayo imishini yekuwasha titja locindzetela likinobho, ne—nempompi layivulako kuze atfole emanti, kepha noko ngabo bonkhe labobantfwana bekacitsa ema-awa lamabili kuya kulamatsatfu ngelilanga emkhulekwemi ngakulabo bantfwana labalishumi nesikhombisa. Kulesosidleke lesincane setinyoni letincane kwavela John naCharles, latamatisa umhlaba. Sidzinga labanye futsi bomake labanjalo, nesikhatsi sekufundzisa bantfwana babo ngaNkulunkulu.

⁵¹ Ngema ngasethuneni lakhe kungesiko kadzeni, eLondon, ngesikhatsi ngilapho kutsi ngikhulekele inkhos, futsi ngime lapho nesandala sami ethuneni lakhe, ngatsi, “Nkulunkulu phumuta lowomake loligugu, ngiyati kutsi Ukwentile.” Futsi lapho, longcwatjwe edvute naye, kusobala, nguBunyan, iPilgrim’s Progress, nakanjalonjalo, naWilliam Cowper, kwase kutsi-ke ngale egcekeni lelibandla, kulele Johane, ematsambo emtimba wakhe elutfulini.

⁵² Khona-ke Simoni watsi, “Babe bekangitjele tikhatsi letinengi, ‘Manje, Simoni, ndvodzana, ngaphambi nje kwekfika kwaMesiya, kutobakhona kutamatamisa lokukhulu emkhatsini webantfu, nesitsa sitokhipha le—lenengi intfo yemanga, sikubita ngaMesiya. Futsi ngifuna ukhumbule, Simoni, mfana wami, kutsi Mesiya weliciniso loko Layoba ngiko, nekutsi Uyobukeka kanjani, nekutsi Uyoba njani. Mesiya weliciniso uyoba ngekweliBhayibheli, kuloko baprofethi betfu labasitjele kona, Mosi watsi, “INKhosi Nkulunkulu wenu iyovusa umProfethi, lonjengami.”””

⁵³ Futsi ufanele kutsi welula sandla wase utsintsa Andreya, watsi, “Andreya wahamba kucala kuyoMuva. Angikukholwanga ngesikhatsi loko, loko Johane bekasentasi lapho ashumayela, abiketela, kutsi kwakuta kwaMesiya, kimi kwakungulokunye kuchubeka nje, kodvwa ngalelinye lilanga Andreya wefika wangitjela kutsi ngifanele ngite ngibone loMuntfu, lokungenani Mlalele kanye, futsi benginako enhlitiyweni yami loko babe langitjela kona, khona-ke loko imiBhalo leyayikushito kutsi loMesiya uyoba ngumProfethi-Nkulunkulu.

⁵⁴ “Futsi ngesikhatsi ngenyukela etetsamelini nemnaketfu, Andreya, ngekushesha Wagucuka wangibuka ngco kuso sonkhe lesosicuku. Kufanele kutsi Bekati kutsi ngangomile.”

Nkulunkulu ngalokuvamile uta kulabo labomile, futsi bafuna impela kuMbamba, ngekushisekela.

⁵⁵ “Futsi Ufanele kutsi wangibuka, ngesikhatsi Enta, Watsi, ‘Ligama lakho unguSimoni, futsi uyindvodzana yaJonase.’ Loko kwakucatulula kimi, ngoba ngangati kutsi babe wami wangitjela kutsi imiBhalo yasho kutsi Mesiya uyoba ngumProfethi, naloMuntfu hhayi kutsi bekati ligama lami kuphela, Lebekangakaze angibone, kodvwa Bekamati babe wami futsi, wangitjela kutsi ngangiyindvodzana yaJonase. Loko kwakucatulula.”

⁵⁶ Filiphu, ufanele kutsi watsatsa indzawo ngalesosikhatsi. Manje, laba bafundzi baKhristu luCobo lesi...banemhlangano webufakazi, hhayi live lelingaphandle, labo labaphila naYe, futsi balala naYe, futsi bahlala naYe, futsi—futsi uyati kutsi Uyini, baMuva akhulumu futsi akhulumu.

⁵⁷ Filiphu watsi, “Simoni, loko kungikholisile, nami, ngoba ngiyifundzile imiBhalo yonkhe imphilo yami futsi ngifundziswe Yona, futsi bengati njengeliJuda kutsi sifundziswe kukholwa baprofethi betfu. Nesiprofetho sakhuluma ngekweliciniso kutsi Mesiya, iNdvodzana yaNkulunkulu iyoba ngumProfethi njengaMosi. Ngesikhatsi ngibone sibonakaliso semprofethi sentiwa khona-ke ngati kutsi lowo bekunguMesiya, ngoba sekube ngemakhulu eminyaka kusukela saba nemprofethi,” ngicabanga kutsi cishe iminyaka lengemakhulu lamane kusukela kwaba nguMalakhi, “futsi ngati kutsi leyo kwakuyinfo lelandzelako kutsi ibonakale bekunguMesiya, futsi Lowo bekunguYe. Ngako, ngagijima ngehla egcumeni kumngani wami Filiphu.”

⁵⁸ Njengoba simtsetse itolo kusihlwa futsi simtfolile, Filiphu watfola Nathanayeli, njalo, ngaphansi kwesihlahla akhuleka, futsi watsi, “Wota, ubone kutsi Ngubani lesimtfolile, Jesu waseNazaretha, indvodzana yaJosefa.”

Watsi, “Kungabakhona yini lokuhle lokuvela eNazaretha na?”

Watsi, “Wota, ubone. Wota, uititfolele wena.”

Futsi lapho aseta atungeleta ligcuma, wamtjela kutsi kwakwentekani, atsi, “Uyati Mesiya uyoba ngumprofethi, siyakwati loko.”

“O, yebo,” kwasho Nathanayeli, “Ngiyati Kutoba yi, Uyoba ngumprofethi.”

“Yebo-ke, ngiMbonile enta tona kanye letotintfo. Ngaphandle kwelitfunti lekungabata, ngiyakwati; ngikubonile, ngikuholilile, futsi ngiyati kutsi kuliciniso.”

“Yebo-ke, ngitofika nje ngibone, ke.”

⁵⁹ Batungeleta ligcuma bahamba. Ngesikhatsi befika eBukhoneni beNkhosi Jesu, Wabuka phansi kuNathanayeli,

wase utsi, “Bukani umIsrayeli, lokungekho nkohliso kuye,” ngesikhatsi angena elayinini.

Wase utsi, “Ungati kanjani, Rabi?” *Thishela*. “Awukaze ungibone emphilweni yaKho. Ungati kanjani Wena?”

Watsi, “Ngaphambi kwekutsi Filiphu akubite, ngesikhatsi ungaphansi kwesihihlala, Ngikubonile.” Manje, nguloko umBhalo lokushoko.

⁶⁰ Filiphu angumfundzi weliBhayibheli lobekati kutsi nguloko Mesiya lebekatoba ngiko, watsi, “Rabi, Wena uyiNdvodzana yaNkulunkulu; Wena uyiNkhosi ya-Israyeli.”

⁶¹ NaJesu watsi, “Yebo-ke, ngoba ngikutjele loko, uyakholwa na? Utobona tintfo letinkhulu kunaloko. Uma nje utokholwa kangako, utobona lokukhulu kunaloko.” Kwekucala ufanele ukukholwe.

⁶² Manje, futsi-ke ku—kufanele kutsi beku nguJakobe lomncane, noma lomunye wabo ahleti lapho watsi, “Niyati ngalelinye lilanga... Sonkhe siyamati Rebheka, lowo ngumka somabhzinisi waseJerikho, Zakewu, uphatса imphahlа yemtselo entasi lapho, ubutsa imitselo. Futsi siyati kutsi Dzadze Rebheka bekakhuleke kamatima kakhulu kutsi Zakewu a—emukele Jesu, futsi wamtjela tonkhe tintfo le—lebekatibonile, kodvwa rabi bekamtjelile kutsi Bekanguye, akukho lutfo kuYe, ngoba Beka ngacondvwa emkhatsini webafundisi basesontfweni bangalolosuku, ngako bekangeke aMemukele.

⁶³ “Ngako Zakewu, niyabukhumbula bufakazi bakhe eKudleni kwasekuseni kweMadvodza labosomaBhizinisi beFull Gospel ngaloko kusa, ngesikhatsi angena futsi wasitjela loko ngekutsi kwentekani na? Watsi wehlela lapho kuyobona Jesu, futsi kwakunesicuku lesikhulu kakhulu.” Futsi *ngandlelatsite lenye* lapho Khristu akhona, kutsi nje: “Uma Ngiphakanyiswa, Ngiyodvonsela bonkhe bantfu kiMi.” Bonkhe labo labadvonsekako. “Bonkhe labo Babe laNgiphe bona, batokuta kiMi.”

⁶⁴ Futsi watsi, “Zakewu wakubona loko, yena amncane ngesitfombo, njengoba afakazile, akakhonanga kubona iNkhosi, ngako wagijimela entasi kulelinye likona, lapho ati khona kutsi nguyiphi indlela Lebekatondlula ngayo edolobheni, futsi wakhwela esihlahleni isikh amore, futsi wa—watsi, ‘Manje, ngitohlala nje etulu lapha kuleti, lapho emagala lamabili ahlangana khona.’” Leyo yindzawo lenhle kuhlala lapho kuhlangana khona tindlela letimbili, leyo yimibono yakho neLivi laNkulunkulu. Lapho imibono yakho neyaKhe ihlangana khona, leyo yindzawo lenhle kuphumula imizuzu lembalwa nje, uncume kutsi utohamba ngayiphi indlela kusuka lapho.

⁶⁵ “Futsi wahlala phansi, wase utsi, ‘Ngiyakhumbula kutsi umkami wangitjela ngalona lapha waseGalile angumprofethi. Manje, uma Angu mprofethi, ngito Mkhholwa, ngoba ngiyati

kutsi liBhayibheli letfu latsi, “Uma akhona emkhatsini wenu lo...longumprofethi, naMi iNkhosi Ngitawutatisa kuye, naloko lakushoko kufuzeke khona-ke muveni, Nginaye, kodvwa uma kungafezeki, khona-ke ningamuva.”

⁶⁶ “Ngako ngi—ngiyati, futsi angikholwa, njengoba rabi wami angitjelile, kutsi umuntfu lowatalwa aphuye njengoba Bekanjalo, futsi aneligama lelinjengaleo Lanalo, futsi akakhulisewa kuba ngurabi...Nayo yonkhe lentfo lengetulu kwemvelo Lakhuluma ngayo, a—angikukholwa. Ngako ngi—ngitolinda, futsi uma ngiMbona, ngitoMtjela takhe.”

⁶⁷ “Ngako lapho sekacabanga ngaloko Rebheka lamtjela kona, ‘Yebo-ke, mhlawumbe Ungumprofethi, kodvwa uma Anguye, ngitovele ngitfole umbono wami, khona-ke ngitobuyela emuva futsi ngitjele Rebekah, ngoba banengi kakhulu.’

⁶⁸ “Ngako wakhwela emagaleni wase udvonsa onkhe emacembe amtungeleta, watimbonya kute angabonwa, watifihla. Futsi emva kwesikhashana wase uva umsindvo uta ngasekoneni.” Kukhona intfo lengakejwayeleki, lapho Jesu akhona ngalokwejwayelekile kunemsindvo weluhlobo lolutsite, angati kutsi kungani, kodvwa kuhlala kunjalo. Njenga-Aroni nje angena nelihanandanza nensimbi, akenti umsindvo lomnengi, ngani, bebangati kutsi bekaphila. Futsi ngicabanga kutsi nguleyo indzaba ngelibandla namuhla, selife kakhulu asiseva lutfo nhlobo; ngako, lapho kunekuphila khona, kunemsindvo.

⁶⁹ “Manje, futsi sitfola kutsi watsi-ke, ngesikhatsi Jesu efika ngasekoneni, futsi waMbuka, bekatilungiselele sifihlabuso lesincane, kute Jesu angamboni. Ngako, bekanelicembe, futsi wavele nje wadvonsela lelicembe phansi wase ubuka ngephandle, ngoba bekangafuni, kumbona, somabhizinisi welidolobha, ahleti etulu esihlahleni, loko bekutsi akuhlazise, niyati. Nalomgiciki loNgcwele angena, empeleni, niyati, neligama Lebekanalо, loko bekungalimata ibhizinisi yakhe uma—uma bamponile atihlanganisa neMfo lonjalo.

⁷⁰ “Futsi ngako, kodvwa bekafuna kutfola kutsi Rebheka bekakhuluma ngani, ngako wahlala etulu lapho, waphakamisa licembe lakhe, wase utsi, ‘Ngiva umsindvo, ngako mhlawumbe emva kwesikhashana Utotika.’

⁷¹ “Weva umsindvo wase ubuka ngasekoneni, nako kuta labakhulu kakhulu, badwebi labacatsa, batsi, ‘Bafo, ngiyacolisa, uMnaketfu—wetfu ukhatsele kakhulu. U—U—Usendleleni yaKhe lephumako manje, Utotanele aye eJerusalema, Washo. Ningema yini nonkhe eceleni, futsi niMniike indzawo yekuphuma na?’ Impela, ngalokukhulu kuhlonipheka nemusa.

“Labanye bafundzi balandzela, batsi, ‘Bafo, ngifisa kwangatsi ngabe besinesikhatsi, kodvwa asinaso nje.’

⁷² “Futsi, emva kwesikhashana, ngesikhatsi Ajika likona, wase-ke Zakewu wehlisa licembe lakhe futsi wacala kubuka,

waMbona eta *kanjalo*.” Futsi niyati, angikholwa kutsi noma ngumuphi umuntfu bekangabuka ngco kuKhristu futsi ake ativele afana futsi, A—angikholwa kutsi bekangakwenta.

⁷³ “*Intfo letsite* icala kumtsintsa. Futsi atsi, ‘Uyati kutsini, ngi—ngivele nje, mhlawumbe Rebheka bekacinisile, kodvwa ngito Mbuka kahle, futsi-ke ngitoMuva ngalesinye sikhatsi, ngoba Akangati, Ngingusomabhizimisi lapha, Usandza kungena edolobheni nje, ngako Akangati, akati lutfo ngami, futsi Akasati simo sami, ngako ngitohlala nje etulu lapha esihlahleni.’

⁷⁴ “Futsi Wefika, futsi ngesikhatsi Awela indlela lenga seluhlangotsini, wehla, wefika ngco ngaphansi kwesihlahla, Wema wase ubuka etulu, watsi, ‘Zakewu, yehla, Ngiya ekhaya nawe, namuhla, kuyodla lidina.’

⁷⁵ “O, niyakhumbula na?” kusho Jakobe. “Loko kwakucatulula kimi, ngati kutsi Beka ngulowo Mprofethi Mosi lakhuluma ngaye, ngoba sasisanza kungena nje edolobheni. Wati kanjani kutsi bekasetulu esihlahleni na? Futsi Wati kanjani kutsi ligama lakhe kwaku nguZakewu, nako konkhe ngaye na? Loko kwakucatulula kimi, ngoba liBhayibheli lapha kutsi Uyoba ngumprofethi.”

⁷⁶ “Yebo-ke,” khona-ke lomunye wakhuluma, wase utsi, “kutsiwani ke ngaBhathimeyosi loyimphumphutse ngesikhatsi siphuma edolobheni na? Ngesikhatsi lapho bekahleti ngaphandle lapho aphupha ngetinsuku, watsi, ngesikhatsi sekabona, kutsi unina bekamtjele kanjani ngelusuku lolukhulu Jehova lake walukhuluma kubantfu, kodvwa bekakadze ayimphumphutse yonkhe leminyaaka.

⁷⁷ “Nekutsi kanjani ngesikhatsi siphuma edolobheni, bantfu bahlekisa ngaYe, nebaphristi bampongolota, ‘Wena lowavusa labofile, sinendzawo yemathuna legcwéle bona enhla lapha, yenyuka futsi ubavuse!’”

⁷⁸ Niyabona Nkulunkulu akahlekisi kubantfu. Jesu wenta nje njengoba Babe aMkhombisa, futsi nguloko kuphela Lakwentako Wakusho, Johane loNgewe 5. Niyati, basenayo leyomimoya lemibi eveni namuhla, noko, bayotsi, “Ake ngimbone aphilisa *lona*. Ake ngimbone aphilisa *lowo*.” Niyabona na? Lowo ngumoya lomubi lofanako; abati nje.

⁷⁹ Lofanako lowahlala etulu lapho esiphambanweni, noma, ngaphambi kwekutsi Efike esiphambanweni, ngesikhatsi Alingwa, watsi etulu lapho, watsi, “Uma uyiNdvodzana yaNkulunkulu, yenta ummangaliso lapha embikwami, futsi ugucule lamatje lawa abe sinkhwa futsi udle, futsi Ngitokukholwa.” Niyabona na?

⁸⁰ Jesu watsi, “Kodvwa kubhaliwe kutsi, umuntfu angeke aphile ngesinkhwa sodvwa.” Akahlekisanga ngaSathane.

⁸¹ Futsi ngesikhatsi sebaMfake egcekeni, babeka indvwangu ebusweni baKhe, bayigocota emehlwani aKhe, futsi batsatsa indvuku base bashaya inhloko yaKhe leligugu, batsi, "Uma unggumprofethi, manje, futsi ungasitjela, uma ungu lowo Mprofethi-Mesiya, sitjele kutsi ngubani lokushayile enhloko," Akazange asho Livi. Yena... Emandla netiphiwo taNkulunkulu atikafaneli kubukiswa ngato, tekukhonta Nkulunkulu ngato. Titenkhatimulo yaNkulunkulu kwenta lokutsite kusita umuntfu lotsite, hhayi kuphuma njenga lokhukhumukile, futsi utsi, "*Mine, lomkhulu wami!*" Akusiko loko. Uma umuntfu enta loko, mncane emehlwani ami. Ngubani lomkhulu na? Munye: Nkulunkulu.

⁸² Khona-ke kungahle kube bekukadze, ke, masinyane emvakwaloko, kutsi Andreyia angahle kube washo loku: "Kodvwa bazalwane, niyasikhumbula sikhatsi ngesikhatsi Asitfuma edolobheni na? Wasitjela ngaloko kusa kutsi Bekaya entasi eJerikho, kodvwa bekanesidzingo sekuya ngaseJerus..., noma, endlule ngaseSamariya avela eJerusalem, enyuke atungelete iSamariya bese-ke uya eJerikho. Niyakhumbula kutsi Bekadzinwe kanjani? Futsi lusuku lonkhe, satxi, 'Kungani—kungani Ungatsatsi inyama? Kungani *Ungakwenti* na?'

⁸³ "Watsi, 'Ngitolindza lapha, futsi nine ngenani nititfolele kudla.' Manje, ngesikhatsi sisahambile, futsi satfola kudla kutsi sibuye, niyakhumbula senyuka, futsi satfola kutsi ngesikhatsi sesifike lapho, kwaku newesifazane asendleleni yakhe enyuka, futsi lapho Beka yedvwa ne—newesifazane lonesimo lesibi—lesibi?"

⁸⁴ Beka nguvesifazane longcolile, wesifazane lebesingambita namuhla, *wesitaladi*, dzadze welilambu lelibovu. Bekane, imishado yakhe yayicubene yonkhe, futsi bekahlala nemadvodza ngaphandle kwekushada nawo, umuntfu lomubi kakhulu. Letotinsuku bebagcoka sembatfo, bebfanele bakufakazele loko. "Ngako ngesikhatsi sibona, sakuphuka, niyakhumbula sanyenya satxi shelele emva kwalessosihlahla, lolodvonga loluncane, futsi sabona kutsi Bekatotsini na? Loko kwakucatula kumunye ngamunye wetfu.

⁸⁵ "Wacela lowesifazane kutsi aMnatsise, wase utsi, 'Sine kubandlululana lapha. Tsine—tsine asi, akusilo lisiko kini nine maJuda kutsi nicele tsine besifazane baseSamariya intfo lenjengaleyo.'

⁸⁶ "Watsi, 'Kube bewati kutsi Ngubani lobewukhuluma naye, bewutocela kiMi emanti, Ngikunika eManti longeke ute lapha kutokukha.' Niyakhumbula kutsi ingcogeo yachubeka kanjani na?"

⁸⁷ Bekentani Yena? Babe, Watsi kuJohane loNgcwele 5:19, futsi lalelani loku, bazalwane, bodzadze: Jesu Khristu, iNdvodzana yaNkulunkulu, akazange atsatse ludvumo ngekuphilisa noma

ngubani, Watsi, "AkusiMi lowenta lemisebenti, NguBabe waMi lohlala kiMi, Wenta lemisebenti."

⁸⁸ Manje-ke caphelani kutsi kwentekeni. KuJohane loNgewe 5:19 Washo loku; Bekaye echibini laseBhethesda, lapho kwakulele ticuku letinkhulu, bantfu labanengi kakhulu kunalabo labakhona kulendzawo kusihlwa, tishosha, timphumphutse, labachutako, labashwaphene, labakhubatekile. Manje, umBhalo uyasho kutsi, tishosha, tinyonga, timphumphutse, labagogeckile, futsi nangu Eta! Etinsukwini letimbalwa nje ngaphambi kwalapho, wesifazane bekatsintse sembatfo saKhe futsi wasindza. Nangu Eta, tembatfo tigewe emandla, ahamba, wendlula ngakumake nemntfwana lonenhlоко lenemanti, wendlula ngakulendvodza leyimphumphutse.

⁸⁹ Futsi uma wake wawutsatsa umlandvo wako, iNgelosi yehla yase itamatamisa emanti. Niyati kutsi emanti latanyatanyisiwe ayini, kuhamba kwagezi kuya ngalapha, nemimoya iwaphephetsa ngalenyne indlela, ngemanti layingoti. Futsi bebakholwa kutsi kwaku yiNgelosi, futsi noma ngubani longena emantini, bekanekukholwa lokwenele, wamisa loko kunyakata kwemanti, futsi basindza kulesosifo lebebanaso. Futsi balala lapho ngaseticukwini. Labanengi babo abakukholwanga loko, kodywa labo labakukholwa, kwakukuphiliswa kwabo. Nkulunkulu bekhahlala njalo anendlela yekuphilisa bantfu baKhe.

⁹⁰ Kuze kutsi labo labangena kucala, futsi ngifundze tincwadzi ngako lapho batsi bebaze bagwazane ngisho lomunye nalomunye, batama kusheshisa bangene futsi bangene lapho kucala, ngoba bekutsi nje wekucala angangena nekukholwa lokwenele kudvonsa emandla eNgelosi, khona-ke beyingabe isabuya mhlawumbe inyanga noma letimbili, lesinye sikhatsi semnyaka. Futsi bebalala lapho njalonjalo balindzile. Kubeketela lokunjeh pho!

⁹¹ Futsi Jesu wahambahamba ngo ngakuleto timphumphutse, tihhulu, tinyonga, labachutako, labashwaphene, akazange asho lutfo, waze Weta kumuntfu alele eluhlakeni. Bangakhi kini nine baseCalifornia lowatiko kutsi yini luhlaka lwembhedze na? Yebo-ke, nguyiphi incenye yaseKentucky lenivela kuyo na? Ngakhuliswa kuyinye. Uvele nje ubeke lokutsite phansi esiyilweni, futsi ulale phansi.

⁹² Alele eluhlakeni, Angahle kube bekanenkatsato yelidlala lebesilisa, angahle kube bekane—angahle kube bekane TB. Noma ngabe kwakuyini, bekanako iminyaka lengemashumi lamatsatfu nesiphohlongo, bekudzindzibaliswi, bekungeke kumbulale, bekakhona kuhamba. Jesu ati, bukisisani, Jesu ati kutsi bekakadze akulesimo lesi sonkhe lesikhatsi lesi, Watsi, "Uyatsandza kusindza na?" Kungani kungesiyo imphumphutse

na? Kungani kungesiyo indvodza lekhubatekile na? Kodvwa niyabona, Wacondziswa.

⁹³ Manje, bukisisani imphendvulo yakhe, futsi watsi, “Anginamuntfu wekungifaka emantini. Lapho ngiseta, lomunye losesimeni lesincono kunami uyangendlula futsi angene lapho,” niyabona, “angene embikwami.” Bekakhona kuhamba, bekakhona kuhamba, kodvwa kukhona labanye lapho lebebangakhoni kuhamba. Niyabona na? Futsi besingatsi Bekaneluelo na? Luvelo lwemuntfu akusilo luvelo, kwati intsandvo yaNkulunkulu, luvelo. Niyabona na?

Ngako Watsi, “Uyatsandza kusindza?”

Watsi, “Anginamuntfu wekungifaka emantini. Uma ngita, lomunye uhamba embikwami.”

Watsi, “Tsatsa umbhedze wakho, bese uya endlini yakho.”

⁹⁴ Akazange abute lenye intfo, ngoba Jesu bekati kutsi bekangeke abute, walitsatsa, walibeka emhlane wakhe wase uyachubeka. Jesu wabutwa ngako. Akente intfo lefanako namuhla, futsi Uyobutwa ngako.

⁹⁵ Lomunye utawutsi, “Nangu uMnaketfu lomdzala *S'bani-bani*, uyindvodza lendzala lelungile, bekasontsa ebandleni yonkhe imphilo yakhe, atsengisa emapeniseli ekoneni, amsindzise. Umendluleleni na?”

⁹⁶ Bukisisani Jesu wabeka imphendvulo kubo ngelusuku lolufanako ngesikhatsi baMbamba, baMbuta umbuto, Johane loNgewe 5:19: “Ngicinisile, ngicinisile, Ngitti kini, iNdvodzana ingeke yente lutfo ngekwaYo, kodvwa loko Lebona uYise akwenta.” Bangakhi lowatiko kutsi lowo ngu—ngumBhalo na? ImiBhalo ingeke yehluleke, ngako Jesu bekangenta kuphela loko Nkulunkulu laMkhombisa kona embonweni kutsi akwente, naloko kwaMenta umprofethi, ngetulu kwemprefethi, BekanguNkulunkulu-mProfethi, BekanguNkulunkulu webaprofethi.

⁹⁷ Labanye bantfu namuhla batama kususa buNkulunkulu kuYe, Sibonakaliso saKhe njengaMesiya bekusibonakaliso semprofethi, kodvwa saKhe...ekuhlengweni BekanguNkulunkulu.

⁹⁸ Intfombi ntfo Mariya, wesifazane, intfombi ntfo, bekangati ndvodza, Moya loyiNgewe wamsibekela futsi wadala saKhi-Ngati, lesoSakhi-Ngati saveta iNdvodzana yaNkulunkulu, Bekangesilo liJuda kanjalo futsi angesuye weTive, BekanguNkulunkulu. Sisindzisiwe, kwasho liBhayibheli, ngeNgati yaNkulunkulu. Ingati ivela ebullilini bewesilisa, ihmoglobhini ivela ebullilini bewesilisa.

⁹⁹ Nine bantfu, nasi sikhatsi sasentfwassahlobo ngephandle lapha. Bengibukisia namuhla, inyon'i lencane etulu esihlahleni intentela sidleke. O, titotentela sidleke. Yebo-ke, leyonyoni

lengumake lendzala ingangena kulesosidleke futsi italele emacandza lagcwele sidleke, uma beyingakaze ibe namata, angeke achobosele. Kunjalo. Ingahle ihlale etikwawo futsi yetsembeke kakhulu, igucule lawomacandza ngekwetsembeka nje, futsi itilambise imphosakufa, ize ibe butsakatsaka kakhulu ingakhoni kundiza isuke esidlekeni, uma beyingakaze ibe namata, angeke achobosele, ete sakhi-ngati kuwo. Kuphila kuvela engatini, kuphila kusengatini.

¹⁰⁰ Kufana nemabandla namuhla, unga...sinemabandla lamakhulu kunawo onkhe lesake saba nawo, emalunga lamanengi kunawo onkhe lesake saba nawo, bagcoke kahle kwendlula bonkhe lesake saba nabo, bondliwe kahle kwendlula bonkhe lesake saba nabo, imali lenengi kunalesake saba nayo, kugula lokunengi kunaloko lesake saba nako, ngoba sinekungakholwa lokunengi kunaloko lesake saba nako.

¹⁰¹ Nje ku, yinye kuphela intfo yekutsi yentiwe, lawomacandza ayohlala khona lapho kulesosidleke futsi abole, futsi ayoba njalo nemalunga elibandla uma bekangakaze abe naMata, Jesu Khristu, sekusikhatsi sekuhlanta sidleke, nekubuyela ekhatsi lapho umuntfu lonekukholwa futsi logewaliswe ngaMoya loNgewelete, unekekukholwa lokuphilako kuNkulunkulu lophilako, ube naMata, Khristu Jesu, intfo letsite letochoboselwa, intfo letoveta kuPhila. Impela.

¹⁰² Jesu bekangenta kuphela, Watsi, nemiBhalo ayinakuphosisa, Watsi, "Angenti lutfo ngekwaMi ngize Ngibone Babe akwenta kucala." Manje, Watsi Wakubona, *niyabona*. "Ngicinisile, ngicinisile Ngitsi kini, iNdvodzana ingeke yente lutfo ngekwaYo, kodvwa loko *Lebona uYise...*" Bukani emuva ku-*Emphatic Diaglott*, nibone kutsi leligama alisilo yini lelikahle, *niyabona*. Kubukeni, ngisho nasehumushweni laDouay, onkhe emahumusho akuniketa ngendlela lefanako: "Ngize Ngibone Babe akwenta. Babe uyasebenta, loko Babe lakwentako, UyaNgikhombisa, futsi Ngiyahamba nje futsi ngiMentele kona."

¹⁰³ Nguleyondela wonkhe umprofethi weliBhayibheli lente ngayo, bekukubona ngembono kutsi akenteni, futsi leso kwaku sibonakaliso saMesiya ngalolosuku. Futsi uma leso kusibonakaliso saMesiya ngalolosuku, ekuvalweni kwesimiselo sesikhatsi semaJuda, futsi Wetsembisa kutsi Uyokwenta intfo lefanako etinsukwini tekugcina, sekusikhatsi lesisibona sivuka.

¹⁰⁴ Siselusukwini lwекugcina, umhlaba usekupheleleni kwemizwa, sewulungele kuchunyiswa ube ticucu, i, ngoba bencabile, baphika, naMoya loyiNgewelete ulimete tinhilitiyo tabo, naNkulunkulu...

¹⁰⁵ Njenga—ngadzadze esitolo setintfo tasheleni, lapha emavikini lambalwa lendlulile, eLouisville, eKentucky, bekanemfana lomncane, beka hambahamba, amkhombisa tintfo, atsi, "Buka, S'thandwa, buka, S'thandwa, buka,

S'thandwa," nalomfanyana lomncane wavele wahlala nje wase uyabukela. Futsi yena, emva kwesikhashana, wavele wawela ekhawunteni wase ucala kumemeta.

Nalabanye bebantfu esitolo setintfo tasheleni baya kuye, base batsi, "Yin'indzaba na?"

¹⁰⁶ Watsi, "Ngumfana wami lomncane." Watsi, "Ngeke sekwenteke! Dokotela utsite sewuncono, kodvwa akasincono." Watsi, "Etinyangeni letimbalwa letendlulile, lomfo lomncane wacala kuhlahla emehlo nje," futsi watsi, "Angikhoni kudvonsa emehlo akhe nganoma yini." Watsi, "Yonkhe intfo u—umfana lomncane longuntsanga yakhe lafanele akubuke," watsi, "Ngitokunyakatisa embikwakhe, futsi uyovele ahlale nje futsi anchumise emehlo nje."

¹⁰⁷ Niyati libandla, libandla lePhentekhostali, litsi alibe yindlela lefanako, Nkulunkulu wanyakatisa yonkhe intfo eBhayibhelini embikwabo, futsi basolo bahleti nje futsi babukele. Kukhona lokungalungi! Sekusikhatsi sekuvuka, futsi sivuke, futsi sibite Nkulunkulu. Khumbulani, Nkulunkulu wabiketela eBhayibhelini laKhe kutsi lona kuyoba ngumNyaka weliBandla laseLawodisiya lapho tintfo tiyokwenteka ngalendlela. Manje asiMkholwe.

¹⁰⁸ Njengoba Andreyea achubeka nalendzaba, umzuzwana nje noma lemibili ngetulu, Andreyea watsi, "Uyati Watjela lowesifazane..." Manje, beka ngumSamariya. Kukhona kuphela, njengoba ngishito itolo ebusuku, kunetive letintsatfu kuphela tebantu emhabeni: Hhamu, Shemu, nebantu bakaJafethe. Uma silikholwa liBhayibheli, bonkhe bavela kulawo lamabili, lawomadvodzana lamatsatfu, lelo liJuda, weTive, nemSamariya.

¹⁰⁹ Niyakhumbula Phetro anikwa tikhiya teMbuso? WaWuvula kuphi? EPhentekhosti, kumaJuda; wehlela eSamariya, naloku nje Filiphu bekehlide futsi washumayela kubo umbhabhatiso waMoya loNgcwele, futsi beka babhabhatisa, futsi bese balungele kukwemukela, kodvwa Phetro bekanetikhya, uyehla, wabeka tandla etikwabo, bemukela Moya loNgcwele; khonake endlini yaKhoneliyusi, beTive, Tento 10:49, sitfola kutsi Phetro watfunywa ngembono etulu, "Futsi kwatsi asakhulumama lamavi lawa, Moya loNgcwele wehlela etikwabo." Kusukela ngalesosikhatsi kuchubeke Moya loNgcwele bekalungile, "Kuloyo lotsandzako, akete," kodvwa bekanetikhya teMbuso.

¹¹⁰ Manje, caphelani letotive letintsatfu... Manje, njengoba ngishito itolo kusihlwa... Ngidzingeke ngisheshise, sizatfu ngiphindzaphindza loku ngalenyen idlela, kusihlwa. Ngidzingeke ngisheshise, beninekwetfuka, futsi—futsi bebatsi kukhona kucaphelisa, nakanjalonjalo. Manje, njengoba nithulile kusihlwa, futsi nithulile, caphelani, emaJuda bekafunga

Mesiya, naMesiya bekafanele efiike futsi atimemetele Yena lucobo nge...kutsi unguMesiya.

¹¹¹ Manje, nicabanga kutsi Jesu wefika ngalokungekho embhalweni na? Bekangeke abe nguJesu, Bekangeke abe yiNdvodzana yaNkulunkulu; Bekafanele efiike ngekwemBhalo, kodvwa hhayi ngekwemicabango yemabandla angalolosuku. Bekehlukile emicabangweni yelibanda, imfundziso yabo ngako, kodvwa Ufika ngendlela imiBhalo leyayibhalwe ngayo. Futsi nguloko lengitama kukubuyisela enkhumbulweni yenu, kusihlwa, intfo lefanako, Ufika ngendlela Latsembise kufika ngayo.

¹¹² Manje, khumbulani, uma Nkulunkulu ake wabitelwa enkhundleni kutsi ente, futsi indlela Lenta ngayo kucala, Utofanele ente ngayo sonkhe sikhatsi, kamuva, ngendlela lefanako, noma nakungenjalo Wenta kabi ngesikhatsi Enta kwekucala. Ngako uma leyo kwakuyindlela yekuTenta atiwe ngalolosuku kumaJuda, kumaSamariya lebekabheke Mesiya...

¹¹³ Kute weTive lobekafuna Mesiya, sasingema Roma nemaGrikhi, futsi sikhonta bonkulunkulu bensimbi, insimbi, imabula, njengoba labanengi babo basenta, na—nakanjalo, nesagila emhlane wetfu. Kodvwa manje, emvakweminyaka letinkhulungwane letimbili yesayensi yetenkholo nekufundzisa, manje liBandla lebeTive, liBandla lelikhetsiwe, libuke Mesiya. Manje, Utofanele ente uma Efika kulesikhatsi lesi, njengoba nje Enta ngaleso sikhatsi, Utofanele ente tintfo letifanako, ngoba Livi latsi Uyokwenta.

¹¹⁴ Manje, kute nibone kutsi Khristu wetfu akafi, Unatsi, uphila kitsi, khona lapha natsi manje, futsi manje uma nginganenta nikubone loko, khona-ke kuyintfo lelula kabi kini kwemukela kophiliswa kwenu, akusiko mayelana netandla tami tibekwa etikwakho, ngingumunfu, tandla taKhe, tfola Yena.

¹¹⁵ Manje caphelani, ngesikhatsi balalela futsi beva ingcogciswano yaloku (Manje, lona ngu—nguwesifazane loneligama lelibi manje, eSamariya. Beka nguwesifazane lomubi, ngako bebalalele.), futsi ngesikhatsi beva, Watsi, “Hamba, ulandze indvodza yakho, nite lapha.” Manje, Wakhulumu naye sikhatsi lesidze ngalokwenele kubamba umoya wakhe. Watsi, “Hamba, ulandze indvodza yakho, bese nita lapha.”

Watsi, “Anginandvodza.”

¹¹⁶ “Futsi niyakhumbula, bazalwane,” Andreyea angahle kube watsi kubo bonkhe bazalwane, watsi, “niyakhumbula kutsi sonkhe sacabanga kanjani, ‘Uh-oh, uh-oh, nasi sikhatsi sinye Labanjwa ngaso na?’ Ngoba Umtjela kutsi akana—kutsi akana—ndvodza, watsi, ‘Hamba, ulandze indvodza yakho, bese nita lapha,’ njalo, watsi, ‘Hamba, ulandze indvodza yakho,’ Umtjela

kutsi unendvodza, futsi lowesifazane utsi akanandvodza, bekaphikisa Livi laKhe. Manje kutokwentekani?

¹¹⁷ “Niyakhumbula kutsi sonkhe sema kanjani netindlebe tetfu timile, ne—nemakhata ahamba etikwetfu na? Yini indzaba na? Satibuta: ‘Ngabe iNkhosi yetfu ibanjwe elugibeni na? Manje Utjela lowesifazane kutsi unendvodza, futsi utsi, ‘Anginandvodza.’”

¹¹⁸ “Niyakhumbula kutsi sacabanga kanjani na? Khona-ke Wa...? Aphole nje ngako konkhe Lebekangakwenta, watsi, ‘Ushito kahle, ngoba bewu nalasihlanu, nlena lohlala nayo manje ayisiyo indvodza yakho.’ Inkhundla yagucuka masinyane impela.

¹¹⁹ “Futsi watsini lona wesifazane kuYe na? ‘Mnumzane, nginguwesifazane waseSamariya. Ngingahle ngiphile esonweni,’” ngente intfo lencane lenjengale, “‘kodvwa ngiyayati imiBhalo, Ngiphuma ekhaya lelalifundzisa liBhayibheli. Ngi... Ufanele kuba ngumprofethi. Ngiyati, siyafundziswa, yonkhe iSamariya iyafundziswa kutsi kukhona Mesiya lotako, Loyo uN... Loyo loyoba nguKhristu,’” kuchaza kutsi *Loyo loGcotjiwe*, ““futsi uma Efika, Uyositjela letintfo leti, leso kuyoba sibonakaliso saMesiya. Ufanele kuba ngumprofethi waKhe.”

¹²⁰ “Jesu watsi, ‘NginguYe.’” Bekangakaze abekhona uMuntfu lobekangasho loko ngaphandle kwaKhe, kunjalo, noma akayuze abekhona. ““NginguYe.”

¹²¹ “Futsi washiya imbita yakhe yemanti wase ugijimela edolobheni, wase utsi, ‘Wotani, nibone uMuntfu,’ watjela emadvodza esitaladini, ‘wotani, nibone uMuntfu Longitjele lengikwentile. Ngabe akusuye yini yena kanye loMesiya na?’”

¹²² Uma leso bekusibonakaliso saMesiya itolo, futsi Unguye itolo, namuhla, naphakadze, kuyafana namuhla, Ufanele.

¹²³ “Yebo, sikukhumbulile loko, kutsi lowesifazane wakusho kanjani loko.”

¹²⁴ Nekutsi liBhayibheli lasho kanjani kutsi lonkhe lidolobha laMkolwa kutsi unguMesiya, ngoba lowesifazane watjela bantfu edolobheni kutsi Yena, bebangakaze bahlangane phambilini, engcogcisanenai Watsi, “Hamba ulandze indvodza yakho.”

¹²⁵ Wase utsi, “‘Anginayo.’ Watsi, ‘Bewunalahlanu.’ Nani nine besilisa niyati kutsi ngulolohlobo lwemphilo lengiluphilile, naloko kwanganelisa kutsi Beka nguMesiya, ngoba Bekayati imfihlo yenhlitiyo yami.”

¹²⁶ Manje lalelani, alikusho yini liBhayibheli loko, kutsi “Ekucaleni bekakhona Livi, naLivi beka kuNkulunkulu, naLivi beka nguNkulunkulu. NaLivi waba yinyama wakha emkhatsini wetfu”?

¹²⁷ Manje, kini nine bafundzi beliBhayibheli: Ayisitjeli yini iNCwadzi yemaHebheru, sahluko 4, kutsi “Livi laNkulunkulu likhalipha kunenkemba lesika ngetinhlangotsi totimbili, lihlaba lehlukanise umnkantja welitsambo, futsi linguMhloli wemicabango yenhlitiyo”?

¹²⁸ Livi, futsi uma Livi leliphilako, lelinguKhristu, lita emkhatsini wetfu, ngabe Aku–Kusasolo kunguMehluleli wemicabango yenhlitiyo na? Livi leliphilako, Khristu, Livi leliphilako, ULivi, futsi ULivi leliphilako, *Leli* Livi lelibhaliwe, futsi uma Livi lelibhaliwe liletfwa neLivi leliphilako, Likhalipha kunenkemba lesika ngetinhlangotsi totimbili, futsi linguMhloli wemicabango yenhlitiyo.

¹²⁹ Jesu wabuka tetsameli taKhe futsi wayibona imicabango yabo. Labanye babo bema lapho base batsi, “Ungumbhuli. UnguBhelzebule, develi.”

¹³⁰ Jesu watsi, “Ngianitsetselela ngaloko,” babita uMoya waNkulunkulu ngentfo lembi, umsebenti lomubi, “Ngianitsetselela ngaloko, kodvwa ngalelinye lilanga Moya loyiNgcwele uyeta, futsi nikhuluma livi linye lelimelene naLoko, ningeke natsetselelwa kona kulelive, noma eveni lelitako.”

¹³¹ Manje-ke yini—yini kuhlambalata Moya loNgcwele na? Niyabona na? Nibite uMoya waNkulunkulu ngentfo lengcolile, kuyinhlamba, kunguloko-ke kuhlambalata. [Akucoshwanga etheyiphini—Umhl.] . . . wabita uMoya waNkulunkulu ngamoya lomubi. [Akucoshwanga etheyiphini.]

¹³² Ngako, niyabona, ngesikhatsi bantfu bamemeta, futsi bakhuluma ngetilimi, nakanjalonjalo, nalesive lesi sihlala njalo sibabita ngesicuku sebagiciki labangcwele, nebahlubuki, nako konkhe lokunye, niyabona kutsi kungani sekalungele kwehlulelwaa na?

¹³³ Manje, liBhayibheli litsi, manje kini nine bantfu bePhentekhostali, liBhayibheli litsi, “Uma unesiphiwo sekukhuluma ngetilimi, khona-ke uma longakafundzi angena, futsi—futsi intfo yekucala niyati bonkhe bakhuluma ngetilimi, batotsi, ‘Nonkhe niyahlanya.’ Kodvwa uma akhona emkhatsini wenu longumprofethi loyokwembula timfihlo tenhlitiyo, khona-ke batokuwa phansi, futsi batsi, ‘Liciniso, Nkulunkulu unawe.’”

¹³⁴ Yebo-ke, uma ukholelwaa ekukhulumeni ngetilimi, awati yini kutsi kuchubekela embili kwako kuyini na? Anati yini kutsi sibusiso lesiphakeme siyini na? Animboni yini Moya loyiNgcwele na? Yini lenenta nikhulume ngetilimi na? Uyatentela wena loko na? Cha, mnumzane. Moya loNgcwele uyakwenta uma ucotfo. Ngabe kunjalo na? Moya loNgcwele uyakwenta. Leyo yintfo lefanako leyahlala ebandleni, kucala, baphostoli, baprofethi, bothishela, belusi, nebavangeli. NguMoya loyiNgcwele, Khristu lophilako, Akafi kodvwa uphila kute kube phakadze.

¹³⁵ Banesitfombe saYo phansi lapha lapho bekukhona, kwatsatfwa. Yatsatfwa ngalapha eCalifornia lapha, madvute nje. Satsatfwa, George J. Lacy, iFBI yaKuhlola, nakanjalonjalo, niyibonile nako konkhe, iNsika yeMlilo. INsika yeMlilo lefanako yatsatfwa eJalimane, eSwitzerland, emhlabeni wonkhe jikelele, lapho itsetfwe khona.

¹³⁶ Manje, Kuyini na? Uma loko... .Bangakhi lowatiko kutsi Jesu Khristu beka nguleyo Nsika yeMlilo? Yebo-ke, ngesikhatsi Yena, Johane loNgewe 6, ngesikhatsi Abutwa, Washo nge, Watsi, Abrahama, ngetinsuku takhe.

Watsi, “Yebo-ke manje,” watsi “ucondze kutsi ubone Abrahama, futsi uyindvodza lengakendluli emashumini lasihlanu eminyaka budzala na?”

Watsi, “Angakabikhona Abrahama, NGIKHONA.”

¹³⁷ Khona-ke Beka nguleyo Nsika yeMlilo, iNgelosi yesiVumelwano. Ngalamanye emagama, iLogosi leyaphuma kuNkulunkulu, BekayiNsika yeMlilo leyahola bantfwana baka-Israyeli badzabula ehlane. NaleyNsika yeMlilo, iLogosi yentiwa inyama yakha emkhatsini wetfu. Futsi Yatsi, “Ngivela kuNkulunkulu, futsi ngiya kuNkulunkulu.

¹³⁸ Futsi emva kwekuwa kwaKhe, kungewatjwa, nekuvuka kulabafile, Sawula, Wahlangana naSawula asendleleni abheke entasi eDamaseko, futsi yamshaya yamlahla phansi ngekuKhanya. Akukho namunye wabo lowaKubona, kodywa Sawula waKubona. [Akucoshwanga etheyiphini—Umhl.] waphuma ehlane, aletsa bantfwana baka-Israyeli wase-ke ufika uhlala kuMuntfu, kuGewala kwebuNkulunkulu ngekwemtimba, futsi wenta loluhlobo lwetibonakaliso njenga Mesiya.

¹³⁹ Futsi uma leyoNsika yeMlilo lefanako, lowoJesu lofanako, lowoMoya lofanako ubuya ungene eBandleni laKhe, umhlaba wonkhe, ngeke Wente intfo lefanako na? “Loyo lokholwa ngiMi, lemisebenti lengiyentako Mine naye utoyenta. Kusesikhashana nje nelive lingeke lisaNgibona,” Watsi, “noko, nine nitoNgibona ngoba Ngi, Ngitawuba nani, ngisho nakini kute kube sekupheleni kwemhlaba. Jesu Khristu longuye itolo, namuhla, naphakadze.”

¹⁴⁰ Niyabona kutsi ngitama kwentani, bangani? Kunenta nati kutsi Jesu lowenta setsembiso eBhayibhelini ukhona lapha nani, khona lapha manje.

¹⁴¹ Manje, uma bewungahamba wenyukele kuYe, futsi Agcoke lesudu Langipha yona, futsi Bekangatsi... .bewungatsi, “Jesu, Ungangiphilisa na?”

¹⁴² Uyati kutsi Bekangatsini kuwe na? “Yebo-ke, mntfwana waMi, Ngikwentile loko.” Angeke asaphhindze akwente futsi. Uma uhlengwe esitolo lesibambisa ngemphahla, ungahlengwa

kanjani kwesibili na? Wakukhipha, “Yalinyatwa ngenca yetiphambeko takho, nangemivimba ya Yo waphiliswa wena.” Niyabona kutsi ngicondze kutsini na? Kuphiliswa kwakho sekuvele kuphelele, insindziso yakho seyiphelele, intfo kuperela lofanele uyente kukwemukela nje.

¹⁴³ Kwenta mehluko muni kutsi ngubani lobeka tandla etikwakho, yini leyenta *luku*, *lokwa*, noma *lolokunye*? Noma ngabe ukuphi, kukholwe nje, nguloko kuperela, kwemukele. Kukutsi, Nkulunkulu utofanele akunike kona. Kungaleso sizatfu ngingatsatsi sikhatsi lesinengi kakhlulu. Bantfu baseMerica bafundziswa lisiko lelidzala lemaJuda lekubeka tandla, lokukutsi kulungile, kodvwa leyo kwaku ngesiyo indlela yebeTive.

¹⁴⁴ “Yebo-ke,” Jayiru watsi, “wota, ubeke sandla saKho endvodzakatini yami, futsi itophila,” liJuda.

¹⁴⁵ Kodvwa umRoma watsi, “Angikafaneli kutsi Ute ngaphansi kweluphahla lwami, khuluma Livi nje.” Niyabona na? Watsi, “Ngingumuntfu longaphansi kweligunya, ngitsi kulendvodza, ‘Wota,’ ite; naleya, ‘Hamba,’ ihambe.” Bekati kutsi yonkhe intfo ngaphansi, bekayindvuna yelikhulu, indvodza yelikhulu leminyaka, lokusho “likhulu,” lawomadvodza lalikhulu bekangaphansi kwakhe, loko lakusho, bebafele bakwente. Wacondza ini kuJesu Khristu na? Kutsi konkhe kugula netifo kwakungaphansi kwaKhe, ngaphansi kwekulawula kwaKhe. “Khuluma Livi nje.” Amen. Nako laph’ukhona, awudzingi kubekwa tandla.

¹⁴⁶ Futsi watsini Jesu na? Wagucuka, watsi, “Angikaze ngikutfole kukholwa lokunjalo ka-Israyeli.” Yebo-ke, ngulolohlobo lwekukholwa lesilufunako lapha eCalifornia, lolohlobo lwekukholwa, “Khuluma Livi.” Nguloko kuperela lokukudzingako.

¹⁴⁷ Hhayi umuntfu lotsite atsi, “Yebo-ke, ludvumo kuNkulunkulu, uMnaketfu *S’bani-bani* wangibeka tandla, ngeva intfo letsite yendlula kimi.” Ungahle kube utivile tandla takhe tibekwe etikwakho, kodvwa awuzange uve lutfo. Niyabona na? Jesu akazange atsi, “Nikuvile na?” Watsi, “Nikukholiwe loko?” Nguloko-ke. “Uma nikukholwa.” Kuku fin-... Akusilo ludzaba lwemadlingozi, ludzaba lwekukholwa, “Loyo lokholwako,” khona lapho ukhona.

¹⁴⁸ Angisho kutsi aniva lutfo, Ngiyati ngive imizwa letsite lengakejwayeleki, kodvwa angikaze ngisekele kukholwa kwami etikwemuzwa. Ngingeke ngiyakhe iMFundziso yami etikwemuzwa, ngifanele ngiyakhe etikwa ISHO KANJE INKHOSI, ngeLivi laNkulunkulu. Futsi kungalesosizatfu, kusihlw... Futsi-ke uma lakhelwe kulelo Livi futsi kunekukholwa lokwenele kuloko kwenta leloLivi libonakaliswe... Jesu wafa futsi wanikela ngekuPhila kwaKhe

kute Angcwelise liBandla kute Abe semhlabeni wonkhe jikelele, emhlabeni wonkhe jikelele, ngaso sonkhe sikhatsi eBandleni laKhe, loMoya loyiNgcwele lolapha.

¹⁴⁹ Ngesikhatsi Jesu anguNkulunkulu entiwe inyama, kuGewala kwaNkulunkulu kwaku kuYe, Beka neMoya longe nasilinganiso; sinako ngesilinganiso. Manje, uma-ke uphumela lapha bese utsatsa lokungagewala sipunu kwe-kwemanti elwandlekati ke? Yebo-ke, nguloko—nguloko Jesu lebekanako, lonkhe lwandlekati, kodvwa wena nami sinesipunu lesigcwele, ngulowo umehluko, bewungeke ukugeje. Akadzingi kutsi abe natsi, kodvwa sifanele sibe naYe. Kodvwa uma utsetse lesosipunu lesigcwele semanti wase usiyisa entasi endlini yekucwaningela, emakhemikhali lafanako lakulo lonkhe lwandlekati akuleso sipunu lesigcwele.

¹⁵⁰ Futsi ngesikhatsi Nkulunkulu, ngeluSuku lwePhentekhosti, ngesikhatsi Ehla njengemoya lovungutako, nicaphelile na? BekayiNsika yeMlilo. Kodvwa nike nacaphela kutsi Watehlukanisa Yena lucobo kuleyoNsika yeMlilo, watehlukanisela Yena lucobo emkhatsini webantu baKhe, neTilimi teMlilo letehlukene tahlala etikwamunye ngamunye wabo? Nkulunkulu atehlukanisa Yena lucobo eBandleni laKhe. Akumangalisi Akhuluma watsi, “Lapho lababili noma labatsatfu babutsene ngeliGama laMi, Ngitawuba semkhatsini wabo. Uma lababili batovumelana kunoma yini, futsi bacele, Ngitoninika kona.” Niyabona na?

¹⁵¹ Kuyini loko? Uma uMlilo lomncane *lapha* neMlilo lomncane *lapha*, ngamunye wenu uyincenye yaNkulunkulu, uma sihangana ndzawonye, nguMtomba waKhristu uhlangana. Nkulunkulu atehlukanisa Yena lucobo, aniketa incenye kimi, nencenye kuwe, nencenye kumfo lolandzelako, kute sonkhe siphile, futsi sibe nekuPhila lokuPhakadze. Futsi manje, loko kuPhila lokuPhakadze kuvela egameni, ligama lesiGrikhi, njengoba ngishito, *Zoe*, lokuchaza kutsi “kuPhila kwaNkulunkulu luCobo.”

¹⁵² Manje, kufanele kutsi kwatsi nje basafakaza ngaloku, khona masinyane nje Andreya ufanele kutsi wahlala phansi, naSathane ufanele kutsi wabuka emuva ngalapho ngemafu lamnyama, sengiyavala manje, futsi wababona bahamba ngaphandle kwaJesu. Loko nje kuhle njengoba bekafuna.

¹⁵³ Futsi manje, bazalwane bami, bodzadzewetfu, ake sibuke nje manje, ngalokucondze ngco ngekukholwa, bebahambe ngaphandle kwaJesu, Ngiyakhholwa kutsi nguloko lokwentekile ebandleni kwenta lomNyaka lona welibandla laseLawodisiya, libandla lihambe ngaphandle kwaJesu. Sihambe ngalokukhulu kunhlanhlatsa, sisuke saya endzaweni lapho khona sineluhlelo lolukhulu lwekwakha, sibone kutsi ngubani longakha libandla lelikhulu kunawo onkhe, siphambukele etinchubeni temfundvo,

siphambukele etinchubeni temahlelo, sisuke saya kuto tonkhe tinhlobo tetinhlelo, kepha yini ke lesiyichobosele? Sichobosele sicuku sebantfwana belihlelo. Kunjalo.

¹⁵⁴ Sakha—sakha tintfo tetfu—tetfu—tetfu etikwelihlelo *letfu*: “Ningatihlanganisi *nabo* khona *lapho*, ningabi nako *loku ngalapha, tsine* silihlelo, *tsine* sinalo *lonkhe* liciniso.”

¹⁵⁵ Khumbula, mnaketfu, ingubo yelulekela kutotonkhe tindlela, niyabona, ihamba etikwalomunye umfo, futsi. Niyabona na? Kodvwa sidvwebe imincele futsi satehlukanisa tsine, njengoba nje kwente emaBaptisti, emaMethodisti, nabo bonkhe lalabanye. Sasivamise kukhuluma ngalabandzako, emaBaptisti labophekile nje, manje sekubandza, kwema Phentekhostali labophekile nje. Niyabona na? EmaBaptisti sekayafutfumala.

¹⁵⁶ Caphelani kutsi kanjani... Manje, kuliciniso. Sichobosele bantfwana belihlelo, sachobosela bantfwana bemfundvo; sikutfole kwentiwa tikolwa teliBhayibheli, kunjalo ngalokuphelele, kodvwa yini lesidzingeke sibatjele yona? “Banike Ticu tebuCiko, kanye ne Ph.D., ne LL.D.”

¹⁵⁷ Futsi ngisho nalamanaye lamakhulu emahlelo etfu, ngaphambi kwekutsi batfumele sitfunywa senkholo, iPhentekhostali manje, ngaphambi kwekutsi batfumele sitfunywa senkholo sePhentekhostali ngesheya kwetilwandle, utofanele ahlolwe ngudokotela wetifo tengcondvo kubona kutsi i-IQ yakhe iphakeme ngalokwenele yini. Lelo libala lekungcola egameni lePhentekhosti! IPhentekhosti ayisiyo inhangano, iPhentekhosti sentakalo leso bonkhe bantfu labangaba naso, EmaMethodisti, emaBaptisti, iPresbyterian, noma *ngumaphi lamanye*.

¹⁵⁸ Ngubani lotoncuma kutsi usitfunywa senkholo noma cha, nguMoya loNgcwele, noma ngudokotela wengcondvo welive? Nkulunkulu nguye loniketa kubita. Imfundvo yaPetro beyingeke ikufanele loko, liBhayibheli latsi bekangiko kokubili angati lutfo futsi angakafundzi, kodvwa Moya loNgcwele, kwamtfokotisa Moya loNgcwele kumenta inhloko yeliBandla; yena naJohane, bobabili bangati lutfo futsi bangakafundzi. Kodvwa ngulapho lasikhona.

¹⁵⁹ Develi wasibona sisuka siya ekunhlanhlatensi lokukhulu kanjena, futsi utsi, “Nali litfuba lami.” Leyo yintfo lefanako layentile lapho. Ngako, waphakama etikwetintsaba wase ucala kuphephetsa umoya wakhe longushev, watsi, “Nabo lapho bakhona, babutsene ngephandle ngaleyah ekhatsti nalololwandle, bafakaza ngaloko lobekwentekile. Manje ngiyabona kutsi abasenaye manje, akasekho nabo manje.”

¹⁶⁰ Futsi bukisisani umNyaka welibandla laseLawodisiya, kuyo yonkhe lemnyaka yelibandla, iminyaka yelibandla lesikhombisa yekugcina, iLawodisiya, Jesu bekangehandle

kwelibandla laKhe luCobo, anconcotsa, atama kubuya angene. [UMnaketfu Branham unconcotsa epulpiti—Umhl.] Manje, ngulapho lasesifike khona.

¹⁶¹ Futsi ngako Sathane bekasolo aphephetsa umoya wakhe longushev u lapho, niyati, atsi, “*Whuu! Whuu!* Tinsuku temimangaliso selwendlulile, ayikho intfo lenjengaleyo. Ningayikhola leyontfo lenjalo, kukufundza ingcondvo. Kunjalo.” Bashiya Livi. Ngi—ngi... Hlola Livi nje bese uyabona kutsi akunjalo yini, bese-ke niyabona kutsi Nkulunkulu uyamnika yini leloLivi futsi aLicinise, khona-ke kukwenta kube ngulokucinisile; uma Nkulunkulu asho njalo, loko kuyakucatulula.

¹⁶² Manje, “Tinsuku temimangaliso selwendlulile,” saba ngulabophekile nje, sikhuluma ngemabandla etfu nje, nekwetfu, lesitokwenta, netinhlelo tetfu letinkhulu lesinato. Niyabona, ubonile ngaphandle, nemkhumbi lomncane ucala kuphephetela futsi ujikeka lena nalena, futsi sitfola kutsi onkhe ematsema lalingasekho ngemvuselelo.

¹⁶³ Cishe nje kanjalo namuhla, Nkulunkulu utfumele Oral Roberts eveni lonkhe, Watfumela Tommy Osborn eveni lonkhe, Wa—Watfumela lomunye emva kwalomunye, ligagasi emva kweligagasi, emva kweligagasi, emva kweligagasi, futsi naku lapha sisasolo sihleti singenayo imvuselelo. Yini indzaba na?

¹⁶⁴ Kodywa khumbulani, Bekasengakabi khashane kakhulu, ngesikhatsi Ababona besuka bahamba, Bekati kutsi kwaku tokwentekani; futsi kungalesosizatfu Bekati ngalapha, bekakhona kusho siphetfo singakenteki ekucaleni. Bekati kutsi umNyaka weliBandla laseLawodisiya wawutoMfucela ngephandle, ngako Wenta kulungiselela kuLangabetana nawo, “Labo leNgibatsandzako, Ngiyalaya futsi ngibekhute. Ngime emnyango ngiyancocotsa, uma nomangumuphi umuntfu atovula, futsi aNgingenise, Ngitongena futsi ngidle naye,” uma nje utovula, uMvumele angene.

¹⁶⁵ Futsi uma imimoya ivunguta, futsi iphambene, futsi siyabona kutsi kulukhuni kuhamba, nguleyondlela lebebangiyo, kodywa Beka khuphukele egcumeni lelipakeme kunawo onkhe ePhalestine mhlawumbe, Bekasetulu entsaben, uma uya etulu kakhulu, ngulapho ungabona khashane kakhulu, futsi Wacanca lapho kute Ababukisise. Futsi ngesikhatsi Ababona baselusizini... Bekasetulu ngalokwenele kuze Akhone kubabona.

¹⁶⁶ Futsi ngesikhatsi Alapha emhlabeni, Wacondza kutsi sasita kulesimo lesi, ngako Akakhuphukanga intsaben, yaseKhalvari nje kuphela, kodywa Wakhuphuka wendlula inyanga netinkhanyeti, waze Wahlala phansi ngesekudla saloMkhulu kuleliseTulu, neliso laKhe likuncedze, futsi ngiyati

Ubuke lomhlangano, kusihlwa. Usengakahambi waba khashane kakhulu, Ukubukile wena.

¹⁶⁷ Uma lomkhumbi lomncane ushukunyiswa, lomfana *lapha*, umkhumbi wakhe lomncane, wakho, wakho, ngephandle lapha, ndzawo tonkhe, umkhumbi wakho lomncane ushukunyiswa, "Dokotela utsi ngingeke ngisindze; ngikhubatekile; nginemdlavuza; ngitokufa," Uyakwati loko, kodvwa liso laKhe likuncedze, Wakuhlenga, Wabhadala imbadalo, "Yalinyatwa ngenga yetiphambeko tenu; ngemivimba yaYo niphilisiwe nine." Kulungiselela kuyentiwa, futsi Wacanca emabondza aseNkhatimulweni, wase uhlala phansi ngesekudla saNkulunkulu ngeTulu, wakubuka wena, uphila njalo kwenta kuncusa.

¹⁶⁸ LiBhayibheli latsi Ume lapho, umPhristi loMkhulu lonekuvelana nebutaksaka betfu, umPhristi loMkhulu lofanako lobekalapha emhlabeni, longuye itolo, namuhla, naphakadze. Uma beningaMtsintsia, Bekatokwenta njengoba Enta ngesikhatsi Aselamhlabeni, Unguye itolo, namuhla, naphakadze.

¹⁶⁹ Wesifazane watsintsia sembatfo saKhe, waphuma wangena esicukwini, wase uhlala phansi. Akazange angene elayinini, bonkhe lalabanye bekaselayinini, akazange angene elayinini, ngako watsintsia sembatfo saKhe, wase uyahamba, wahlala phansi etetsamelini.

Wase Uyagucuka utsi, "Ngubani loNgitsintsile?"

Nemphostoli Phetro wamekhuta, futsi watsi, "Wonkhe umuntfu uyaKutsintsia. Uyisholani intfo lenjengaleyo?"

Watsi, "Kodvwa ngiphelelwe ngemandla, emandla aphumile kiMi," umbono. Kukhona lokwentekile, bekuluhlobo lolutsite lwekutsintsia.

¹⁷⁰ Tonkhe letinhlelo leti namuhla atiMtsintsi, kubita inhlitiyo yemuntfu ngamunye kuMtsintsa, akusiko kwesaba, umuntfu lotsite lotokukholwa, beka eceleni tinkholoze takho futsi uMkholwe.

¹⁷¹ "Ukhona loNgitsintsile," Watsi, "Ngiphelelwe ngemandla, emandla," kucina, "aphumile kiMi." Wase Ucalata etetsamelini waze Wamtfola lowesifazane lomncane, wamtjela ngenkinga yakhe yekopha lebekanayo, kwakhe "kukholwa kukusindzisile." Niyabona na? "Kukholwa kwakho kukusindzisile." Sozo, "sindzisiwe," leligama lelifanako, ngekwenyama noma kamoya. Niyabona na? "Kukholwa kwakho kukusindzisile."

¹⁷² Manje, uma AngumPhristi loMkhulu lofanako, futsi Anguye itolo, namuhla, naphakadze, uma bewungaMtsintsa, Bekatokwenta kanjani? Uma Afana, Bekatokwenta ngalokufanako.

¹⁷³ Ngiphonsela insayeya letetsameli leti, kusihlwa, kutsi tikholwe kutsi leyondzaba iliciniso: Nibone kutsi Akasuye yini umPhristi loMkhulu lofanako, nibone kutsi Akenti yini kusihlwa, njengoba Enta ngesikhatsi AseGalile, nibone kutsi Akenti yini intfo lefanako.

¹⁷⁴ Asidlali lisontfo la, sesihambe kakhulu sikhatsi ema-aweni, lilanga liyashona, sekusikhatsi sekutsi sibeneliciniso, sikhatsi sekutsi besilisa nebesifazane balahle emabrantji abo—abo—abo elibandla, bekani eceleli tidvwedvwe tenu temahlelo futsi nibuke kuNkulunkulu, futsi nibe nemvuselelo yePhentekhostali ebandleni lePhentekhostali. Mtsintse futsi ubone kutsi Usenguye yini umPhristi loMkhulu, ngikuphonsela insayeya loko kuwe, kukholwe, ubone kutsi kwentekani.

¹⁷⁵ Ngako Weta ahamba aya kubo etikwemanti, li-awa labo lekugcina, onkhe ematsema sekaphelile. Kwentekani? Batsi nje bangaMbona, ngalokufanako nje njengoba benta ngalesosikhatsi, bayakwenta namuhla, iNtfo lekuphela leyayingabasita, bebaYesaba, bebacabanga kutsi Kwakusipoko, “Ungumoya.”

¹⁷⁶ Nentfo lefanako namuhla! Nine maBaptisti, nine maMethodisti, nine maPresbyterian, maKhatolika, nine maPhentekhostali, Bakamunye, Bakamtsatfu, Bakamhlanu, i-Assemblies, i-Foursquare, noma ngabe uyini, nibantfwana baNkulunkulu, kodvwa ningesabi, Nkulunkulu wetsembisa kutsi Uyokwenta. Kube Bekangakhulumu kusihlwa, Bekatokusho njengoba kwakunjalo ngalesosikhatsi, ngesikhatsi bonkhe besaba. “Yebo-ke,” watsi, “sibona umoya, kubukeka kusasipoko, kukhona lokungakejwayeleki ngako.”

Watsi, “Ningesabi; NgiMi,” longuye itolo, namuhla, naphakadze. “Ningesabi; NgiMi.”

¹⁷⁷ Ningek yini, bandla, kusihlwa, naMvumela esikebheni senu lesincane lapho nisantjweza etikwelwandle lwemphilo lolunesizotsa na? Ungeke nje wavula inhlitiyo yakho, bese utsi, “Nkhosi Jesu, ngiyaKukholwa, ngiyavuma, ngiyati kutsi lowo ngumBhalo, lendvodza ingitjele loko lokungumBhalo, ngiyati kutsi liBhayibheli litsi Unguye itolo, namuhla, naphakadze; ngiyatati letintfo leti”?

¹⁷⁸ Asinaso sikhatsi sekungena kuko konkhe kusihlwa, sitosolo sichubeka kusasa ebusuku singene kuko, sichubeke njalo njalo, niyabona, sichubeke njalo, sinikhombisa futsi sikufakazela, mngani, loko lokukholiwe kutsi bekuliciniso, kodvwa siphila etulu emgwacweni phambidlana manje.

¹⁷⁹ Nguleyo indzaba ngemaKhristu. Niyati kutsi isayensi ayikutsatsi lokwashiwo yisayensi eminyakeni lengemakhulu lamabili noma lamatsatfu leyendlula. Kwaku ngusosayensi longumFrentji lowatsi, cishe eminyakeni lengemakhulu lamatsatfu leyendlula, wakufakazela ngekujikitisa ibhola

emhlabeni jikelele, futsi watsi, "Uma nomangubaphi bantfu bangake bahambe ngelitubane lelesabekako lemamayela langemashumi lamatsatfu ngeli-awa," ngekwesayensi kufakazelwe kutsi emandla ladvensela phansi angakususa emhlabeni. Kutsiwani-ke ngaRicky nemoto yakhe yemjako? Bahamba batungeleta cishe emamayela latinkhulungwane letinengana ngeli-awa. Nicabanga kutsi babuka emuva futsi babone kutsi leyo sayensi itsini? Cha. Basachubeka, bachubeka nekuhamba.

¹⁸⁰ Kodvwa libandla, batotsi, "Ake sibone kutsi uMnumz. Moody watsini ngako. Ake sibone kutsi uMnumz. Wesley watsini." Lawo madvodza aphila emnyakeni wawo, loko kwakulungile kwalowomnyaka, kodvwa asinaso nje sihlahlah sesayensi kukhwela kuso, sinemitfombo lesengakatsintfwa yetibusiso taNkulunkulu letinenginengi, letingakakaleki, kodvwa lengenaspifetfo.

¹⁸¹ "Nomayini leniyicela kuBabe eGameni laMi Ngitolwenta." Sonkhe setsembiso eNewadzini sakho. Uma usindzisiwe, Ukunika lisheke leli neliGama laKhe libhalwe phansi ekugcineni kwalo, ungesabi kuligewalisa, ngoba liBhang laseZulwini litoliconda uma lendlula endlini yekuhlantwa kwePhentekhostali. Ngako niyabona, kunjalo. Niyabona, uma unalokutsite lapho lokusibekelo, wena lucobo, niyabona, uma ucondvwa, uma unenkhomba kukhombisa kutsi lelisheke lakho, le-lemakhola kuphela manje, uma unaloko kukhonjwa, ngani, Nkulunkulu utoliconda lisheke lakho. Kunjalo. Akunandzaba kutsi ucelani, noma ngutiphi tibusiso tekuhlengwa takho.

¹⁸² Manje, ngikhulume nani sikhatsi lesidze, futsi ngiyati kutsi titfo tenu tiyankenketa. Nine bantfu labadzala, nalabasha, nabo bonkhe, lenime ngekhatsi, ngephandle, ngaseminyango, Nkulunkulu aniphe umvuzo ngalokucebile.

¹⁸³ Ngingumnakenu. Akukho...Anginalo ngisho nalinye licashata lemandla ekuphilisa, akekho lomunye lonalo, akukho dokotela lonawo, akukho mutsi lonawo. Kute umutsi emhlabeni lotokuphilisa, akukho dokotela losangulukile engcondvwensi yakhe loyokutjela loko; IMayo Brothers yatsi bete umutsi lotophilisa.

¹⁸⁴ Uma ngijuba sandla sami ngemukhwa, bete umutsi emhlabeni, kuphilisa lelonceba lemukhwa. Noma ngumuphi umutsi lotophilisa lelinceba lemukhwa esandleni sami angaliphilisa kulelideski, noma ephantjini lami. Wena utsi, "Umutsi awentlwanga lideski lakho, noma li-libhantji, wentlwaa umtimba wakho."

¹⁸⁵ Yebo-ke, uma-ke ngingajuba sandla sami, ngiwe phansi ngife, futsi ungigcobise ngemitsi futsi ungente ngibukeke ngekwemvelo iminyaka lengemashumi lasihlanu, banginike umjovo wephenisilini onkhe malanga, nato tonkhe tinhlobo

tekugcobisa, futsi bakutfunge, nako konkhe lokunye? Eminyakeni lengemashumi lasihlanu kusukela namuhla, lokusika kuyobukeka njengoba kwakunjalo nje ngesikhatsi kusikwa. Uma uphilisa umtimba wemuntfu, awuwuphilisi ngani?

Yebo-ke, wena utsi, “Impela, kuphila sekuphumile kuwo.”

¹⁸⁶ Yebo-ke, ngitjele kutsi kuphila kuyini, futsi ngitokutjela kutsi Nkulunkulu unguBani. Niyabona na? Kunjalo. NguNkulunkulu. Umutsi awusakhi sitfo emtimba, kubita kuphila kwakha inyama. Kunjalo. Nesimo sakho kuNkulunkulu nguloko lokukwentako.

Lomunye watsi kimi, “Kutsiwani ke nge-phenisilini yemkhuhlane lomubi?”

¹⁸⁷ Ngatsi, “Kufana nekuba nendlu legcwele emagundvwane, bese ufaka shevu wemagundvwane, uwabulale, akuchibeli letimbobo, kubulala kuphela lamagundvwane.” Kunjalo. Futsi loko yi... Ubulala emagiwane, liciniso lelo, umutsi ungahle ubulale ligciwane, kodvwa awutakhi takhi-mtimba leligciwane lelitidzabulile, kubita Nkulunkulu kwenta loko, futsi Yena yedvwa, “NgiyiNkhosi Lephilisa tonkhe tifo tenu.”

¹⁸⁸ Kube-ke wephule umkhono wakho, wagijima wangena, watsi, “Dokotela, philisa umkhono wami, ngifuna kugwedla, ngisebenta emotweni yami ngephandle lapha, ngifuna kucedzela.” Bekangatsi udzinga kuphiliswa kwengcondvo, futsi loko bekutoba kahle. Angahle acondzise kahle umkhono wakho, kodvwa Nkulunkulu utofanele akhicite ikhalsiyamu, netindzaba tekuphila, netintfo kukuphilisa ndzawonye, kubita Nkulunkulu. Asinalutfo lolutophilisa, akukho mutsi lophilisako, nguNkulunkulu lophilisako. Nesimo sakho kuNkulunkulu, Loyo lowenta kuphilisa....

¹⁸⁹ Futsi asikhoni kucabanga kwamanje kutsi kuphila kuyini. Siyati kutsi lamafinyela kuphila langena kuko, kodvwa asati kutsi sakhi-mphilo sekuphila siyini, ngoba ngumoya, futsi akukho ngilazi lengabona umoya, nako laph'ukhona. Ngako nguYe lowenta kuphilisa.

¹⁹⁰ Nitokholwa nguYe, kusihlwa na? Uma Atokuta etetsamelini, kusihlwa, licembu lelincane nje, sitobitela umuntfu lotsite etulu lapha, Ngicabanga kutsi sinikete sicuku semakhadi itolo ebusuku, kusukela kulekucala kuya ekhulwini, ngikholwa kutsi ku A. Sinalambalwa awo, sifanele sisheshe. Kodvwa, kusihlwa, uma nje sitobita labanye bantfu ngephandle lapha, futsi sivumele Moya loyiNgewelete acale kuhamba lapha ngemb-... Uma Atokwenta, angisho kutsi Utokwenta. Bese-ke uma Atophumela etetsamelini futsi acale kuhambahamba etetsamelini, futsi ente yona kanye nje lentfo lefanako ngephandle lapho, nine lenite emakhadi ekukhulekelwa, njengoba Enta lapha nemakhadi ekukhulekelwa, tsintsa

sembatfo saKhe nje, futsi ubone kutsi Akasuye yini—kutsi Akasuye yini umPhristi loMkhulu lofanako.

Bangakhi labatokukholwa uma benitobona lelengikhulume ngako kusihlwa, kufezeka? Phakamisani tandla tenu, kusosonkhe lesakhwiwo.

Manje khotsamisa inhloko yakho.

¹⁹¹ Babe wetfu loseZulwini, loku kukhashane njengoba noma ngumuphi umuntfu bekangafinyelela khona, bekungaba kuchaza Livi. Manje, kukholwa kuta ngekuva, nekuva Livi. Naku kulele bantfu emibhedzeni lemincane, tinhlaka, titulo temasondvo, kunalabanye ngephandle lapho labafako ngenkhatsato yenhlitiyo, umdlavuza. Akungabateki kodvwa kukhona tonkhe tinhlobo tetifo ekhatsi lapha.

¹⁹² Babe Nkulunkulu, kungahle kubekhona labangakholwa labahleti edvute, kungahle kubekhona labangakaphendvuki labahleti edvute, uma bakhona, Babe, uma babona Bukhona baKho behlela kufakazela kutsi U—UnguNkulunkulu Lowenta letetsembiso emkhatsini wetfu, impela, uma Utokwenta loko lokungako, sitoyikholwa lendzaba yekuhlengwa kutsi Wafela tiphambeko tetfu, nangemivimba yaKho siphilisiwe tsine. Siphe kona, Nkhosi.

¹⁹³ Ngitinikela mine lucobo, letetsameli leti, konkhe etandleni takho. Futsi, Babe Nkulunkulu, ngiyaKutsanza ngeLivi laKho. Ngiyatitsanza letetsameli leti letisimangaliso tebantfu labalalelisisile, beme banemfinyezi, imilente yabo igogekile futsi ibuhlungu. Kodvwa, ngive, Nkhosi, ngiyacela. Uma lesicuku lesi sisuka kuletinkhundla leti tekukhempa kusihlwa, futsi sicale kubuyela ekhaya labo . . .

¹⁹⁴ Nkhosi, ngalelinye lilanga emvakwekuba Sewubetselwe futsi wangcwatjwa, bebacabanga kutsi konkhe kwase kuphelile, bewufile futsi wangcwatjwa futsi kwakunguloko kuperhela, kwakunemadvodza lamabili, Kleyophase nemngani wakhe, bekasendleleni abheke entasi e-Emwuse, Lomunye wahamba nabo lusuku lonkhe, akhulumu nabo ngeLivi laNkulunkulu. Abacondzanga kutsi BekanguBani, kodvwa ngesikhatsi Abatfola ngalobo busuku, Wabangenisa ngekhatsi kulesakhwiwo futsi wawala umnyango, Wenta lokutsite embikwabo njengoba nje Enta ngaphambi kwekutsi Abetselwe, bakucondza, ngoba akekho lomunye lowakwenta ngaleyondlela, bati kutsi Kwaku nguYe. Futsi ngekushesha Wanyamalala emehlweni abo, emva kwelikhethini, ndzawanatsite, futsi bekangasekho. Bangakagwabeli, banenhltiyo lelula bagijima babuyela emuva kuyotjela bonkhe labanye bafundzi, “Impela iNkhosi ivukile.”

¹⁹⁵ Utokwenta yini, kusihlwa, intfo lefanako, Nkhosi? Ungeta yini emkhatsini wetfu futsi wente futsi wente njengoba nje Wenta ngaphambi kwekutsi Ubetselwe, kute letetsameli leti tati

kutsi UNGU Nkulunkulu wabo neMsindzisi wabo, futsi nguWe Lobondlile futsi wababusisa?

¹⁹⁶ Futsi kwangatsi bangacondza kutsi uma Utokwenta intfo letsite njengoba Wenta ngaphambi kwekubetselwa kwaKho, bayati kutsi Awukafi, kodvwa Uphila kute kube phakadze, njengoba umBhalo utsi Unguye, “Longuye itolo, namuhla, naphakadze.” Uma Utokwenta loko, Nkhosi, sonkhe sitobuyela ekhaya sisho njengoba benta, “Tinhlitiyo tefu betingavutsi yini ngekhatsi kwetfu, lapho Asakhulumu natsi endleleni?” Sikucela, eGameni laJesu. Amen.

¹⁹⁷ Impela, Nkulunkulu utosisita kusihlwa, netetsameli letinjengaleti, sime ngekubeketela.

[Lomunye ukhuluma neMnaketfu Branham—Umhl.] (Ya.)
[Lomnaketfu ucela kutsi imoto isuswe.]

¹⁹⁸ Ngiyabonga, yebo, Mnaketfu. Kulungile. Loko kuhle. Uma nitoba nemusa kakhulu. Ngibona lomunye ahamba manje, ngako ngiyacabanga lomnaketfu utophuma akahle. Ngiyabonga.

¹⁹⁹ Nginibambe sikhatsi lesidze kakhulu kusihlwa, kodvwa ngi—ngitama kuphela ku...Niyabona, uma nje ugcumela ekhatsi, ungati kutsi wentani, khona-ke kusita ngani na? Niyabona na? Kodvwa nine, ngi—ngifuna kunifikisa endzaweni lapho ningabona khona kutsi ngumBhalo, kukugcwaliseka kwemBhalo. Manje, itolo ebusuku sitsetse sifundvo lapho Bekakhona, Mesiya bekatobonakala emtimbeni wemakholwa kulolusuku lwekugcina kuveta aphindze ente intfo lefanako Layenta ngalesosikhatsi.

²⁰⁰ Manje, ngikholwa kutsi si...Kukuphi lapho...? Sicale ngelekucala itolo ebusuku, sabita sicuku, asikase na? Sibite labambalwa nje kusukela kulekucala. Sitochubeka nje sibite emkhatsini wabo site sibenyusele lapha.

²⁰¹ Asicale, kusihlwa, kulenye indzawo. Sonkhe sikhatsi uma sinitjela kutsi sito...Ngatjela banaketfu lababafundisi kutsi sitocala ndzawanatsite busuku ngabunye, emakhadini lafanako, ndzawanatsite busuku ngabunye.

²⁰² Asicale, asitsi kusukela emashumini lasiphohlongo. Loko bekungaba ngemashumi lasiphohlongo, futsi sibone kutsi singa...Bangakhi lebesingabemisa lapha na? Besingemisa cishe bantfu labalishumi nesihlanu noma emashumi lamabili, mhlawumbe. Ngubani lonelikhadi lekukhulekelwa lemashumi lasiphohlongo na? Phakamisa sandla sakho. Likhadi lekukhulekelwa...[Akucoshwanga etheyiphini—Umhl.] ...futsi ufuna Jesu akuphilise, phakamisa sandla sakho, wonkhe longenalo likhadi lekukhulekelwa.

²⁰³ Kulungile. Manje, basa...bo-asha basabamissa lilayini, manje newami...Khumbulani nje, lelokhadji lekukhulekelwa alikaphatselani ngalutfo nako. Bangakhi loke waba

semhlanganweni phambilini futsi uyati kutsi loko kuliciniso na? Phakamisani tandla tenu. Impela, akukaphatselani ngalutfo nako, akukho ngisho nayinye intfo.

²⁰⁴ Manje, nihleti ngephandle lapho longenalo likhadi lekukhulekelwa, khulekani nje, futsi nitsi, “UMnaketfu Branham, akangati. Nkhosi, ungitjelile esikhashaneni lesendlulile, kutsi UngumPhristi loMkhulu lonekuvelana nebutskatsaka betfu. Manje, ngito Kutsintsia, ngiyakhohlwa ngeMnaketfu Branham lome lapho, kodvwa ngitoKutsintsia. Kukholwa kwami kubuka kuWe, Nkhosi, ngifuna kuKutsintsia.”

²⁰⁵ Manje, unghayizi ngako, kute lokutokwenteka. Ngekuthula nje, kukholwa lokwejwayelekile nje, utsi nje, Nkhosi, “AsengiKutsintse.” Bese utsi-ke, “Ngingati kanjani kutsi U...kutsi ngiKutsintsile? UneMnaketfu Branham kutsi ajike futsi angitjele, njengoba nje Wenta ngesikhatsi wesifazane aKutsintsia ngeNdvodzana yaKho, Jesu. UMnaketfu Branham nalabo bafundisi lapho bangemadvodzana aKho labekiwe,” niyabona, “kodvwa batsatsa indzawo yeNdvodzana ngesikhatsi Isetulu Lapho yenta kuncusela njengemPhristi loMkhulu.”

²⁰⁶ UnguMnaketfu lomdzala. Benikwati loko na? Impela. Futsi si-sibantfwana baNkulunkulu, natsi, ngekubekwa kwemntfwana ngaYe.

²⁰⁷ Manje, uma wonkhe umuntfu nje angabe asanyakata imizuzu lembalwa manje, thulani nje impela imizuzu lembalwa. Kholwa ngayo yonkhe inhlitiyo yakho.

²⁰⁸ Kulungile. Manje, bangakhi kulesakhiwo labatihambi kimi, futsi niyati kutsi angati lutfo ngani na? Phakamisa sandla sakho. Tonkhe tetsameli. Akukho namunye umuntfu lengimbonako kulesakhiwo lengimatiko, ngaphandle kwewami, ngibone umngani wami, Welch Evans, lapha esikhashaneni lesendlulile lovela eGeorgia lohleti emuva lapha, emuva le *lapha*, nguloko-ke. Yena nemkakhe, neMnaketfu Fred Sothmann, futsi, lomunye wemagonsa elibandla lami laseJeffersonville uhleti khona emuva ngephandle lapha ndzawanatsite, neMnaketfu naDzadze Simpson bahleti eceleni kwakhe. Ngulabo kuphela bantfu kulesakhiwo lengibatiko, ngaphandle kweMnaketfu Borders, uMnaketfu Gene Goad, khona *lapha*, futsi, yebo-ke, indvodzana yami beyilapha, kodvwa ayikho lapha manje. Kodvwa nguloko kuphela lengikwatiko, niyabona.

²⁰⁹ Manje, manje, uma ngingakwati...Ngifuna kunibuta lombuto manje. Sitsatsa sikhatsi setfu, ngoba uma uke ufune kungena lapha, kukhona lokutokwenteka.

²¹⁰ Manje, uma Jesu bekayi, ungyue itolo, namuhla, naphakadze, ngabe liBhayibheli liyakusho loko na? Tsanini, “Amen.” [Libandla litsi, “Amen.”—Umhl.] Kulungile. Manje, bangakhi lowatiko kutsi Sewuvele ukuhlengile ekuguleni ne—

nekufa na? Tsanini, "Amen." ["Amen."] Yebo-ke, Bekangeke akuhlenge futsi, Bekangakwenta na?

²¹¹ Manje, kube Bekeme lapha, cobolwaKhe, Bekangeke ente lenye intfo ngako, kunekutsi Bekangahlala kuwe nami. "Loyo loNgemukelako, wemukela Loyo loNgitfumile. Loyo lowemukela nine, wemukela Mine." Ngabe kunjalo na? "Loyo lowemukela Mine, wemukela Loyo loNgitfumile."

²¹² Manje, uma nje nitokwemukela Moya loyiNgcwele, uMlayeto waWo... Manje, nginicaphunele liBhayibheli. Niyabona na? Kukutjela nje kutsi Wentani, nekutsi Wetsembisa ini ngemdralo lomncane wasesiteji, kute bantfwana labancane bato... Ngicabanga lentfo lencane lehleti *lapha*, nalabanengi labanye *lapho*, nemntfwana lomncane amunya sitfupha ahleti *lapho*, ngiyabukisisa, inhlitiyo yami iyilangatelela, nako konke ngi...

²¹³ Manje, manje, uma—uma loNkulunkulu Lowenta liBhayibheli, Lowabhala liBhayibheli... Niyakholwa kutsi Nkulunkulu uphefumulelwe... liBhayibheli liphefumulelwe, Livi laNkulunkulu na? Niyakukholwa na? Uyakukholwa ngayo yonkhe inhlitiyo yakho na? Kulungile, LiLivi laNkulunkulu leliphefumulelwe. Khona-ke uma KuLivi laNkulunkulu leliphefumulelwe, khona-ke uma lugcobo lwaNkulunkulu lulapha natsi kwenta leLivi liphile, kufakazela kutsi Ulapha, impela beninga Memukela. Ngabe kunjalo na?

²¹⁴ Manje, manje, ngifuna kwati, nine kulelilayini lala bakhulekelwako, nonkhe lenitihambi kimi, kutsi angati lutfo ngawe, phakamisa sandla sakho. Niyabona na? Manje, konkhe akukejwayeleki, wonkhe umuntfu akukejwayeleki.

²¹⁵ Manje khumbulani, angisuye umphilisi, futsi akekho lomunye umuntfu longumphilisi, Nkulunkulu unguMphilisi, kunjalo. Manje, kube Jesu bekeme lapha manje, kusihlwa, njengoba ngishito, agcoke lesudu Langipha yona, futsi uma Bekafuna kutimemetela Yena lucobo, bewungati kanjani kutsi nguYe na? Bekatokwenta ngendlela lefanako Lenta ngayo ngesikhatsi Alapha emhlabeni. Ngabe kunjalo na? Bekatokwenta intfo lefanako, khona-ke beniyokwati ke, Beka nguMesiya.

²¹⁶ Manje, angisuye Mesiya, akekho lomunye umuntfu longuMesiya, UNGuMesiya, kodvwa uMoya waKhe uhlala kitsi. Niyabona na? Akusitsi, ngoba mine, ngesingami... manje nangu wesifazane. (Ngabe lona ngulowesifazane lotokhulekelwa na? Kulungile.)

²¹⁷ Manje, angimati lowesifazane, angikaze ngimbone emphilweni yami. Uphakamise sandla sakhe emizuzwini lembalwa leyendlulile kutsi akukho namunye wetfu lowati lomunye. Nasi sandla sami, liBhayibheli libekwe livulekile lapha, angimati, angikaze ngimbone. Awungati, naku lapho sikhona, sihambi. Manje, manje, nasi sitfombe lesihle kakhulu

saJohane loNgcwele 4, nayi indzawo lebonakala yonkhe njengalomtfombo lapho, ngephandle emtfonjeni wesive eSamariya.

²¹⁸ Manje, wonkhe umuntfu losekhatsi lapha akalungele kukwemukela manje, niyabona, naloku—luku bekuyocatululala khona lapha. Lungelani; lungelani; nine, nine, ndzawo tonkhe lapha, lungelani nje. Niyabona na? Ngoba uma ungaMbona angena, futsi ente impela njengoba, loko kukhombisa kutsi Akafi, Uyaphila lapha abukisisa Livi laKhe. Neligcolo lakho lelincane lonkhe liyiswa lena nalena. Niyabona na? Khona-ke kholwa.

²¹⁹ Kwemukeleni nje, ningesabi, Watsi, “NgiMi; ningesabi.” Manje, kukhumbuleni loko: “Ningesabi; NgiMi.” Ningesabi kuMtsatsa eVini laKhe. Nitsi, “NgiyaKukholwa, Nkhosi. Ngitosindza.” Yenta loko nje. “Ungesabi; Ngimi.”

²²⁰ Manje lalelani, uma lona wesifazane nami sitihambi ngalokuphelele, futsi singakaze sibonane, uma ngigcotjwe ngaMoya loyiNgcwele futsi ngitomtjela lokutsite emphilwени yakhe, njengoba Jesu enta kulowesifazane emtfonjeni, noma kungaba yini lesemphilweni yakhe, asikaze sibonane, kutofanele kufike ngemandla latsite akamoya. Ngabe kunjalo na? Siyakwati loko. Bekungaba ngummangaliso. Bangakhi lokwatiko loko na? Ummangaliso yintfo letsite, lengeke icatululwe. Kulungile. Khona-ke uma bekungenteka, bangakhi kini labatokholwa kutsi beku nguKhristu, Moya loNgcwele, lofanako njengani ke? Kulungile, khona-ke kwemukeleni nje.

Kodvwa yena nami, ndzawonye, asikaze sibonane etimphilweni tetfu.

²²¹ Manje, ngenca yenkhatalmulo yaNkulunkulu, eGameni laJesu Khristu, ngitsatsa wonkhe umoya ekhatsi lapha ubengaphansi kwekulawula kwami, ngentele inkhatimulo yaNkulunkulu. Manje hloniphani ngekutitfoba, banini semkhulekweni. (Ngekuthula, ne-ogani.)

²²² Manje, dzadze, ngifuna kukhuluma nawe njengoba nje Jesu enta kulowesifazane. Manje, ungahle ube lapha ngekugula, ungahle ube lapha ngalomunye umuntfu, ungahle, angati, niyabona, kungahle kube tetimali. Ngi—ngi... Unguwesifazane nje lome lapha. Leyo yindlela lefanako lowesifazane lahlangana ngayo neNkhosi yetfu.

²²³ Manje, futsi Wakhuluma naye sikhashanyana. Manje, nifanele nitsatse livi lami ngaloku, bengingeke ngikufakazele loku ngemBhalo. Kodvwa Beka nesidzingo sekwendlula ngaseSamariya, futsi Watsi Akentanga lutfo waze Babe waMkhombisa, ngako kufanele kube ngalendlela. Yena, Babe waMtfumela enhla eSamariya. Kulungile, info kuperhela Lebekayati, kutsi ayente, kwakukwenyukela eSamariya. Bekacabanga kutsi Bekatoba yedvwa, ngako Wavele watfuma

bafundzi. Walindza, wesifazane wenyuka, ngako lowo kungahle kube nguye. Ngako Wahlala lapho, wase ucala kukhuluma naye. Bekentani na? Achumana nemoya wakhe.

²²⁴ Manje, kube Bekehlele lapho, wase utsi, “Ngingu Mesiya, Ngi—Ngingu Mesiya,” bekungabanco kuye kutsi akusho. Niyabona na? Mvumele Atimemetele Yena lucobo kulona wesifazane. Niyabona na? Nkulunkulu usebenta ngetindlela letiyimfihlakalo. Niyabona na? Futsi Watjela lowo wesifazane lokusite, lokwa kusemphilweni yakhe.

Yebo-ke, watsi, “Ufanele kuba ngumprofethi. Ngiyati uma Mesiya efika, Utositjela loku, Watsi Uyokwenta letintio leti.”

Jesu watsi, “NginguYe.” Manje, Wetsembisa imisebenti lefanako, futsi ikakhulukati kulomnyaka.

²²⁵ Manje, uma—uma bewugula, futsi ngitsi, “Nginesiphiwo sekuphilisa kwaNkulunkulu,” siphilo sekuphilisa kwaNkulunkulu asisilutfo kodvwa kukholwa ekuphiliseni kwaNkulunkulu, nguloko kuphela lokungiko, bani nekukholwa. Wonkhe umuntfu unekukholwa ekuphiliseni kwaNkulunkulu unesiphiwo sekuphilisa kwaNkulunkulu, ngoba nguloko kuphela lokungiko.

²²⁶ Manje, loko akubenti babe ngumphilisi waNkulunkulu, akukehlukani nekutsi kwenta umuntfu lokholelwia ensindzisweni abe ngu—ngumsindzisi webu Nkulunkulu. Niyabona na? Nje ku, uyakholelwia kuko. Ngiyakholelwia kuko, nami, kodvwa angisuye umuntfu lonesiphiwo njengalamanye emadvodza, njengaJack Coe, nalabanengi balabo bazalwane bebanjalo, impela nje... Ngiyacabanga bona, Nkulunkulu usebentana ngabo ngetindlela tabo, neMnaketfu Roberts ngetindlela takhe, nami ngendlela yami; sinetinkonzo nje, nguloko kuphela.

²²⁷ Nkulunkulu umisile ebandleni baphostoli, baprofethi, bothishela, bavangeli, belusi. Nguloko kuphela. Bese-ke kuba tiphiwo takamoya letiyimfica ebandleni.

²²⁸ Manje, wena utsi, “Mnaketfu Branham, utama kwentani?” Ngitama kuchumana nemoya wakho. Jesu ungitfumele kulelidolobha, ngiholelwia lapha. Manje, nangu wesifazane, ngekuba nenombolo ekhadini lakhe lekukhulekelwa, etulu le e... Ngiyakholwlwa kutsi ngibite kuphi, emashumi lasihlanu noma emashumi lasikhombisa nesihlanu noma ndzawanatsite ngalapho, ngiyakholwlwa manje kutsi bekukuphi, kwentekile nje waba ngulowo wesifazane lome lapho. Kulungile. Manje, singatani, manje, ngitama kwentani na? Kuchumana nemoya wakho.

²²⁹ Futsi uma iNkhosi Nkulunkulu... Uma ngitsite benginesiphiwo sekuphilisa, ngabeka tandla tami etikwakho, utsi, “Ayidvunyiswe iNkhosi. Haleluya! Utawusindza.”

Loko bekungaba kuhle. Hamba ukukholwe, utosindza, ngiyakukholwa, Nkulunkulu utokuhlonipha kukholwa kwakho.

²³⁰ Kodvwa uma-ke Efika futsi akutjele intfo letsite lo-lobewungiyo, bese-ke ukutjela kutsi utoba yini. Uyati nomangabe ku, lobekungiko, nomakuliciniso nomacha, intfo loyentile emphilweni yakho, emuva le, nomanomangabe yini Layentako, nomaintfo letsaiyifane naleyo, khona-ke bekuyokwenta Mesiya lofanako. Tetsameli tingeke tikwente liphutsa, titokholwa, futsi njetikwemukele. Manje, kwangatsi Angakupha kona.

²³¹ Manje, uma tetsameli tisasolo tiliva liphimbo lami leyoNsika yeMlilo leniyibona esitfombeni ime ngco emkhatsini waminalowesifazane. Ngiyambona, uyesuka, ubukeka amncane ngeminyaka kunaloko langiko enyameni, eme edvute nami. Sewubuyele emuva e... Ubeneluhlobo lolutsite lwekuhlindvwa, naloko bekusemphinjeni wakhe, bekusifo selibili. Kunjalo. Uma loko—uma loko kunjalo, phakamisa sandla sakho.

²³² Kulungile, manje, uyakholwa ngenhlitiyo yakho yonkhe na? Manje, ake sikhulume nalowesifazane njesikhatsi lesidzanyana, niyabona, sikhatsi lesidzanyana njeniyabona. Kute u... Bantfu bacabanga kutsi ukucombele. Niyabona kutsi yini lenye Lebekangayisho.

²³³ Yebo, sengiyambona manje, futsi, kukuhlindvwa emphinenjeni. Loko sekube sikhashana impela lesendlulile, naalentfo seyibuyile futsi, sewukutfolile futsi. Kunjalo. Kodvwa niyabona ufihiwi kudokotela, kodvwa angeke akhone kufihla kuNkulunkulu, Nkulunkulu wati kahle lapho akhona. Kukuphila, kuphindzaphindzeka kwetakhimtimba kuyakhula, kuyafutsa, njengoba njewawuluswane loluncane esibeletfweni samake wakho lukhula, kodvwa loku akunasimo, kuyasabalala nje, ngudeveli, umoya lominyanako. Kunjalo.

²³⁴ Kute nati: Nako kuhleti wesifazane lohleti khonalapho, inkhatsato yemphimbo, naye. Kunjalo. Utsintseni na? Angikwati, ngiyakwati na? Angikaze ngikubone emphilwени yami, kodvwa nguloko lophetfwe ngiko. Niyabona, ngiyawuva lowomoya munye ubita lomunye, kanjalo, kutsi usitwe, niyabona, kanjalo, kuphambene, niyabona. Uma Moya loyiNgewe atongitjela kutsi unguvani, kungakusita na? Kungatisita tetsameli na? Nkkt. Harrison, ungaya ekhaya, usindze. Kukholwa kwakho kuyakusindzisa.

²³⁵ Ngabe Jesu Khristu unguye itolo, namuhla, naphakadze na? Manje, nangu wesifazane emelapha nelikhadi lekukhulekelwa, lowo lohleti ngephandle lapho etetsamelini, niyabona. Manje, akunakwenteka nhlobo kimi kutsi ngente loko.

²³⁶ Wena utsi, “Mnaketfu Branham, ngitjele.” Ngingeke ngikhone kukwenta, angati. Tsintsa Yena njefutsi utfole.

²³⁷ Lowo wesifazane lohleti lapho bekakhuleka, nalowomoya... Cala kukhuleka futsi ubone kutsi kwentekani. Kukholwe nje, ungakungabati, kukholwe ngayo yonkhe inhlitiyo yakho futsi ubone nje kutsi kwentekani, bani nekukholwa nje.

²³⁸ Sitihambi lomunye kulomunye, satalwa, mhlawumbe, iminyaka leyehlukene, kodvwa uma iNkhosi Nkulunkulu itokwembula kimi intfo letsite enhlitiyweni yakho, kute wati kutsi Ku—KuLivi laKhe, kutsi loMlayeto lengiwushumayele kusihlwa, lowo Livi laKhe... Futsi uma Loko kuhlala enhlitiyweni yami, khona-ke Livi laNkulunkulu linguMhloli wemicabango netifiso enhlitiyweni. Ngabe kunjalo na? Njengoba kwakunjalo nje ngesikhatsi Lentiwa inyama eNdvodzaneni yaNkulunkulu, YiNtfo lefanako enyameni yetfu, namuhla, liBandla.

²³⁹ Ngako bengingeke ngikwente ngesingami, kubita wena kukwenta, nawe, kubita bona ngephandle lapho. Kubita lomunye umuntfu ngephandle lapho kutsi abe nalolugcobo lolufanako. Niyabona na? Kungahle kunga... Kutosebenta, kodvwa mhawumbe aba—abakhoni kukukhuluma kuvakale, ngoba lesi siphwo. Niyabona na? Ngesikhatsi ngitalwa, tiphiwo nekubitwa, kungaphandle kwekuphendvuka, Bengise ngulomncane nje, umfana lomcanyana loluswane intfo lefanako leyenteka, ngekuhambisana ngco, konkhe kusukela phansi emphilweni, ngaphandle kwekuphendvuka.

²⁴⁰ Uyagula ngoba bewubuta dokotela ngentfo letsite. Kunjalo. Futsi leyo—leyo yinkhatsato yemphimbo, futsi. Kunjalo. Futsi manje, naku kuhlatiya kwako, bani lijaji: Kusebhokisini leliphimbo, futsi kusilondza ngekhatsi ebhokisini leliphimbo. *Bekukhona*, akusekho manje, kukholwa kwakho kukusindzisile...?...

Bani nekukholwa nje.

²⁴¹ Sitihambi lomunye kulomunye, dzadze, angikwati. Uma Nkulunkulu atokwembula kimi kutsi uteleni lapha, uyangikhola kutsi ngingumprefethi waKhe, noma, inceku yaKhe na? Utokholwa na? Yi—herniya. Bewunenkhatsato letsite, bewungenayo yini, kodvwa kuhlindvwa kwadokotela kunemtselela emphilweni, umdlavuza. Manje sekufike kuherniya. Liciiso lelo. Uyakholwa kutsi Ukuphilisile na? Khona-ke hamba, Nkulunkulu utokwelulamisa. Nkulunkulu akabusise.

²⁴² Banini nekukholwa. Niyakholwa na? Ngephandle etetsamelini lapho, hloniphani ngekutifoba sibili nje. Anginandzaba kutsi nikuphi. Ngi—ngiyanicela, njengemnakenu, eGameni laJesu Khristu kutsi nikholwe loku kutsi kuliniso. Bukisisani kutsi kwentekani. Khulekani nje, nitsi, “Nkhosi, asengiKutsintse,” nibone kutsi kwentekani. Ngi—ngiyakholwa...

²⁴³ Manje, loko kungishiya ngibutsakatsaka kakhulu, ngibutsakatsaka kakhulu nje. Bangakhi labangakucondza loko na? Impela. Uma iNdvodzana yaNkulunkulu, umuntfu munye nje aMtsintsile, futsi Watsi emandla aphumile kuYe, kutsiwani ngami, soni lesisindziswe ngemusa na? Kodvwa kumemetela kutsi Ulapha, kumemetela Bukhona baKhe, Ulapha. Niyakukholwa loko, nani, lenisukumile, yonkhe indzawo lapha na? Uyakukholwa na? Nje—nje bani nekukholwa futsi ukukholwe.

²⁴⁴ Umzuzu nje. (Manje, uma ngitfola cishe lemitsatfu yalena, ngatiseni, ngako, nginaleminye imihlangano letako.) Ngini ngisihambi kuwe, angikwati, kodvwa uyangikhholwa kutsi ngiyinceku yaKhe na? Kube bewume lapha, neNkhosi yetfu beyilapha esimeni senyama... Ilapha ngakamoya, ngoba nguMoya loyiNgcwele lowehlela etikwaKhe njengeliTuba, futsi manje Ufika etikwetfu njengeMiilo.

²⁴⁵ Ulikholwa, angisho locela ilifhi, ngicondze li—likholwa. Kunjalo. Khona-ke uyangikhholwa kutsi ngiyinceku yaKhe na? Uma ngingakhona kukutjela ngaMoya waNkulunkulu kutsi uteleni lapha, utongikhholwa na? Sifo semankanka. O, leyo yintfo lembi kabi! Kunjalo. Uma loko kunjalo, phakamisa sandla sakho. Kunjalo. Kodvwa loko akusiko konkhe lokusenhlitiyweni yakho. Unalenye intfo letsite enhlitiyweni yakho lofuna ngikutjele ngayo. Unesilondza emlenteni. Tsatsa leloduku losula tinyembeti takho ngalo bese ulibeka esilondzeni. Kutosuka kuye. Hamba ukholwe manje.

²⁴⁶ Sawubona, mnumzane? Sitihambi lomunye kulomunye. Angikaze ngikubone phambilini, futsi sitihambi lomunye kulomunye. Kodvwa Nkulunkulu waseZulwini, Lowavusa iNdvodzana yaKhe, Jesu Khristu, Lowenyukela Etulu wase utfumela tipho emuva kubantfu, futsi Wabeka ebandleni baphostoli, lokuchaza kutsi “sitfunywa senkholo,” baprofethi, lokuchaza “umboni,” belusi, bavangeli, kanjalonjalo, Usasolo ahleti anguNkulunkulu. Uma Nkulunkulu atokwembula kimi kutsi iyini inkhatsato yakho, utongemukela njengemprofethi waKhe, noma, njengenceku yaKhe na? Utokwenta loko na? Kulungile, mnumzane.

²⁴⁷ Ngabe tetsameli titokwenta intfo lefanako na? (Ngabe lena lemitsatfu, noko, noma...? Loko nje yi, yebo-ke, nje, sinalona lapha.) Kukhona loku ngakejwayeleki ngalendvodza, angikhomi kukucondza kwamanje, akutsi Moya loyiNgcwele akwembule njengoba ngikhuluma nayo. Ngiyakholwa livi lami livakala ngalokwanele niyakhona kuliva.

²⁴⁸ Lihamba lendlule... Manje, manje naku kufika kulendvodza. Lendvodza isesimeni lesibi kakhulu, iseaweni lekuifa, cishe impela. Usibekelwe kufa ngumdlavuza, nalomdlavuza usemphinjeni wakhe. Kunjalo. Uyati, kubhema

bosikilidi kumatima emphinjeni. Ungakuyekela na? Ukudzabule na?

²⁴⁹ Lenye intfo, awusuye umKhristu, usoni. UngaMemukela njengeMsindzisi wakho, ngemphefumulo wakho na? Uma Nkulunkulu nge...? Umphostoli Phetro wefika, bekasoni, naye. Uma Nkulunkulu atokwembula kimi ligama lakho, futsi angitjеле ligama lakho, njengoba Enta kumphostoli Phetro, utokholwa kutsi NguKhristu, loNkulunkulu Lokutsandzako, futsi uyakusindzisa manje, kusukela...? Utotsatsa livi lami kutsi tono takho titsetselelwe na? Utokwenta na? Mnumz. Davidson, khona-ke hamba uye ekhaya, futsi usindze.

Banini nekukholwa kuNkulunkulu. Ngisolo ngiva intfo letsite ingena lapho ivela ndzawanatsite, nicabanga kutsi ngifundza umcondvo wabo, angifundzi.

²⁵⁰ Nasi, tsintsa sandla sami nje, dzadze. Uma ngitobuka *ngalapha* futsi ngikutjеле kutsi yini inkhatsato yakho, utokwati kutsi ngabe kucinisile noma cha. Ngabe kunjalo na? Khona-ke umdlavuza wakho utohamba uma utokukholwa. Utokukholwa na? Phakamisa sandla sakho uma loko kunjalo. Kulungile, hamba-ke, bani nekukholwa.

²⁵¹ Wota, dzadze. Utokholwa, dzadze na? Kutsi Nkulunkulu utokwembula kimi, ubuke *ngalapha*, kutsi yini inkhatsato yakho, utongikhola kutsi ngingumprofethi waKhe, noma, inceku yaKhe na? [Lodzadze utsi, "Ngikhola kutsi ungumprofethi."—Umhl.] Uyakholwa, kutsi kukwaKhe... Ngiyabonga, Sisi. Khona-ke hamba udle kudla kwakho kwakusihlwa, lessosimo sesisu sesikushiyile.

Uma ngikutjela ngaphambi kwekutsi dzadze ete? Bekanentfo lefanako, unesisu lesiguliswa yimizwa, sewube naso sikhatsi lesidze, hamba udle. Bani nekukholwa.

Uyakholwa kutsi inkhatsato yakho yelicolo isukile kuwe, uhleti lapho na? Yebo-ke, khona-ke hamba. Ayidvunyiswe iNkhosi.

Tetsameli, ningangabati, nje...

Wota, dzadze. Inkhatsto yenhliyiyo, Nkulunkulu angayiphilisa inkhatsato yakhe yenhliyiyo. Hamba, ukholwe ngayo yonkhe inhlitiyo yakho.

Nkulunkulu uyasiphilisa sifo sekucacamba kwematsambo, futsi. Bewukwati loko na? Khona-ke hamba ukholwe.

Wota. Uyakholwa kutsi Nkulunkulu angasiphilisa sifuba sakho semoya futsi akusindzise na? Hamba utfokota, ubonga Nkulunkulu.

Uyakholwa kutsi Nkulunkulu angasiphilisa sifo sakho sashukela, futsi akusindzise na? Chubeka, hamba.

Uma lowo lomunye dzadze aphiliswa esifeni sesifuba semoya, intfombatane lencane njengoba bewungaphiliswa ngaso, bewungeke na? Uh-huh. Ungangabati, bani nekukholwa.

Uyakholwa na? Tonkhe tetsameli setiba lubisi kimi.

²⁵² Leyondvodza lehleti laphaya nesifo sekucacamba kwematsambo, ihleti lapho ingibuka, Ngikubambil emizuzwini lembalwa leyendlulile ngesikhatsi lodzadze sekakholiwe, kukholwa kwakho kuyakusindzisa, chubeka.

Uyakholwa ngenhlitiyo yakho yonkhe na?

Uyakholwa kutsi Nkulunkulu angasiphilisa lesosifo sashukela na? Ucale kusukuma esikhashaneni lesendlulile, ngabe ngikutjele ngalesosikhatsi. Ungakhatsateki, sekuphelile.

²⁵³ Kutsiwani ngawe lohleti eceleni kwakhe lapho, lokubusisako, nawe? Lendvodza lehleti eceleni kwakhe, uyakholwa kutsi Nkulunkulu utowuphilisa lowomfutto wengati lophakeme, akusindzise na? Kulungile.

Lodzadze lohleti eceleni kwakhe bekanesifo sashukela, naye. Uyakholwa kutsi Utokusindzisa na?

Kutsiwani ngawe lohleti lapho ekugcineni, ngibeke tandla etikwakho, uyakholwa kutsi utosindza na? Wota lapha. EGameni leNkhosi Jesu, hamba uphiliswe.

²⁵⁴ Utama kutitfolia wena lucobo, wonkhe umuntfu ukutjela loko, empeleni, kodywa kwetfuka kuyintfo lembi kabi. Bewufuna indzawo yekubeka lunyawo lwakho, kute ucale khona lapho. Ngabe kunjalo na? Usendzaweni ngco manje, kwetfuka kwakho sekuhambile. Hamba, ukholwe.

Niyakholwa ngayo yonkhe inhlitiyo yenu na? Labanye benu ngephandle lapho khulekani, kholwani.

²⁵⁵ Lapha, nangu wesifazane lohleti embikwami, uyakhuleka, kodywa akatikhulekeli yena, ukhulekela make wakhe, make losesibhedlela setinhlanya. Bewutibuta kutsi bengikhulumna nawe yini, bewungakhulumna na? Bewufuna ngichumane. Manje, nangabe bewukhulekela make wakho, phakamisa sandla sakho. Lodzadze lohleti lapha. Impela.

²⁵⁶ Nginiphonsela insayeya kutsi nikukholwe, nginiphonsela insayeya kutsi nikukholwe noma ngayiphi indlela lenifuna ngayo. Niyakukholwa na?

²⁵⁷ Bangakhi ba, ekhatsi lapha...? Bangakhi ekhatsi lapha longamati Jesu njengeMsindzisi wakho, futsi ungatsandza kuMati, khona manje, njengeMsindzisi wakho na? Phakamisa sandla sakho. Ufuna kuMati njengeMsindzisi wakho, sukuma ume ngetinyawo takho. Wena lofuna kuMati njengeMsindzisi, khona manje, Memukele khona manje Asekhona, sukumani nime ngetinyawo tenu, ndzawo tonkhe kulesakhiwo, sukumani nime ngetinyawo tenu.

²⁵⁸ Niyati kutsi Ukhona, anati na? Ngitama kusuka kuleli-altari. Jesu Khristu, iNdvodzana yaNkulunkulu, ulapha kutonitsetselela sonkhe sono, nitoMemukela, hhayi loko lenikuvako, kodvwa etikwetisekelo tekutsi Wanifela, futsi niyati niseBukhoneni baKhe manje, futsi niyakholwa kutsi Wanifela, futsi nifuna Yena abe nguMsindzisi wenu, nitoMemukela etikwaaleto tisekelo na? Phakamiselani tandla tenu kuYe.

²⁵⁹ Babe loseZulwini, Ushito eVini kutsi “Akekho umuntfu longeta kiMi, uma Babe waMi angamdvonsi kucala.” Nalabantfu laba emoyeni wabo bayati kutsi baneliphutsa, futsi ngako baKwemukele njengeMsindzisi wabo, Ngiyakhuleka, Babe, kutsi Utobapha loko, khona manje, baKwemukele.

²⁶⁰ Wena watsi, “Loyo lota kiMi angeke Ngimlahlele ngephandle. Wotani kiMi, nonkhe nine lenikhatsese nalenisindvwako, futsi Ngitawuninika kuphumula.” Watsi kuJohane loNgewe 5:24, “Loyo lova emaVi aMi, futsi akholwe NguloNgitfumile, unekuPhila lokuPhakadze, futsi akasayi ekwaHluelweni, kodvwa wendlulile ekufeni wangena ekuPhileni.” SebaKho, Babe, batimpawu talomhlangano.

²⁶¹ Tinhloko tetfu tikhotseme, uma nikholwa kutsi Nkulunkulu uyawuva umkhuleko wami, ngifuna nenyukele lapha, phumanu ngco etikhaleni tetitulo lapho leniphakamise tandla tenu. Wotani khona lapha futsi nime lapha umzuzu nje, nitungelete ngco i-altari, yehlani ngco ngalendlela umzuzu nje. Wonkhe umuntfu lofuna Khristu khona manje, yehlelani khona lapha nite lapha nje.

Lapho, kutsi iNgati yaKho yacitselwa...
Nekutsi Wena ungibita kutsi ngite kuWe,
O Wundlu laNkulunkulu, ngiyeta! Ngiyeta!

²⁶² Lonkhe lilunga lelibandla lelingamati Khristu njengeMsindzisi wakho, futsi ufunu kuMati, kungani ungaMala khona manje, uma uKubona, ukhona lapha, ukhona na? Uma Nkulunkulu eva umkhuleko wami, futsi avule emehlo etimpumphutse, ente tishosha tihambe, U—Utositsetselela sono sakho, naso.

²⁶³ Uma Ayati inhlitiyo yakho, futsi akutjele langembili kutsi yini lelapho, Uyangitjela, ngephandle lapho, kusekhona labanye futsi labafanele bete. Ukhulumu nawe, angidzingi kutsi ngikubite, ngoba ngyia ngekuba butsakatsaka kakhlulu kulukhuni nekutsi ngime lapha. Wotani ngekushesha impela, nitokuta na? Kute ngingabe ngisalindza. Wotani, khona manje.

Njengoba nginjalo nje, futsi ngingalindzi
Kususa umphefumulo wami ecashatini linye
lelimnyama,
KuWe, Loyo iNgati yaKhe ingahlanta libala
ngalinye,

O Wundlu laNkulunkulu, (Kulungile,
manje.) . . . wota! Ngiyeta!

Njengoba nginje, Wena utokwemukela,
Uyokwemukela, ucolele, uhlante, wemukele;
Ngoba ngiyetsembisa ngiyakholwa,
O Wundlu . . .

Wota, mnaketfu. Wota, dzadzewetfu.

. . . Ngiyeta! Ngiyeta!

Njengoba nginje, Wena utokwemukela,
Uyokwemukela . . .

²⁶⁴ Wotani, wonkhe umuntfu, wotani manje. Ungalindzi, uma ungakaciniseki kakhulu, wota manje. Ukhona lapha ngembili. Embikwa Nkulunkulu, ngikhuluma liciniso, leyoNsika yeMlilo, leyoNgelosi yaNkulunkulu, Lowati inhlitiyo yawo wonkhe umuntfu, ukhona lapha manje.

. . . Wundlu laNkulunkulu . . .

²⁶⁵ Awuyuze usondzele kakhulu ute uMbone eta.

. . . Ngi . . .

²⁶⁶ Uma kukhona umbuto enhlitiywani yakho, wota manje.

. . . Nginjena, ngingakalindzeli
Kususa umphefumulo wami ecashatini linye
lelimnyama,

KuWe, Loyo iNgati yaKhe ingahlanta . . .
(Ungake—ungake ute yini usikhulekele?)

O Wundlu . . .

. . . mukela,
Utawukuta . . .

Wota, dzadze lomncane . . . ? . . . 

61-0224 Ningesabi
EFairgrounds Auditorium
ETulare, ECalifornia E-U.S.A.

SWATI

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntnu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org